

小
倦
遊
閣
集

小倦游閣集卷第三

正集三

詩一

乙巳雜詩

寒蟬鳴自稠樓禽啼不喧晨出望墟落抵暮無炊烟
長夏既不雨秋末已嚴寒質賈亦畧盡流亡日以繁
災情既不達誰買下忙錢哀哉鞭撻餘舍命自投淵
萬里誠金湯哀鴻抑可歎余雖孺子念茲憂如煎
聖君懷如傷視聽寄屏藩良臣致忠愛唯在仁化宣
誰其念災黎馳傳速一言及聞

賑緩詔月骨頌荒村

綵鳳飛鳴來五色斑雲霄赤野落哀鴻喁喁嘆源膏
赫斯親氏侯料人乘錦輅曰吁聽無譁宦况茲蕭條
蠅頭良亦微勿謂肆漁牟居貴豈無心升階有遞高
瓜牙胡假威血枯肢其骸入封塊作銀量小殮無朝
嘆息若貴人母念

聖宸勞顧緩及微稔肥囊不若罄

丙午春入江寧城文武各署演土地會劇感賦

先王相吾民祀神致冥祐故歲不順成遂塞社蜡醕
神律比課吏失職當自疚餓鬼哭遍地焉能樂笙奏
去秋地盡赤冬雪尚存岫二麥浪翻處白骨無老幼
才遺十四五手足面皮皺活於

賑給者近復疫癘遘筭到青黃交尚須百日後民災
吏束手神亦無術救二月之二日演戲為神壽信矣
杜陵言朱門酒肉臭

丁未離詩

建康評事街春燈戲灼爍三江賢制軍知與民同樂
首縣勤報効飛籤梨園索聚其年少艾擇其貌綽約
分班裝古事嬉笑兼戰搏自從興燈來視茲總洛度
觀者夾巷遶男女皆踴躍送至制軍轅轅前鼓吹作
綵張春花空中庭垂珠箔忽聽急駟來燈戲盡驅却
滿漢民百萬闐然齊一愕雖以傳呼聲終夜懾心魄
明晨詢標兵答言閩南燬縮舌復不言雙眸淚雨落

天南湧赤浪山立翻鴻溟飛濤撼江淮萬里鏗雷霆
青雲方干呂海隅歌德聲干羽舞百年樞運三階平
天吳爾何物出沒驕長鯨稽戮哀窮魚肝腦塗沙腥
安得任公釣三權觀深情飄然浮嶠去論岑澄滄瀛
朝發二首

朝發桑坑鋪暮至案嶺頭嶺頭一登望見我古山秋
故山別四載晚烟殊疏稠問吾偕行人吾茲其夢不
抵門叩屈膝驚聲問歸客門開見大父鬚髻更前白
二妹趨牽兄道我苦相憶代見訝兒瘦抱兒淚珠滴
二妹亦無眠寒燈對除夕

羣弟立或坐環我語言喧執手再回顧嘉事今何存
阿嬌淚泣然欲言聲復吞連年遭荒歉糟糠不飽
餐以此苦飢乏釀為瘠下惡歸魄西藍隴草宿霜莖
繁交夏月色黃或見新鬼魂小兒隱拭涕褰衣倚牆
根近來時入夢索食仍呻吟我諸兄大人餬口各散
分諸弟亦六人嘉事相顧敷齟齬飢已卒生也初何
思侍遊閱四年艱辛豈備論不謂四年間同氣有凋
殘死者既已矣生者詎自完載諷北門詩憂心終殷
殷

遊鍾山二首

昔聞沈光祿願從息心遊今來北阜峻桂枝揚芬秋

霧捲江樹薄一覽青徐收地脉結南戒流英鍾七州
豈無艸堂秀雲窟緘名遁赤崑綠蘿古鳥迹飛真留
風泉瀉松澗萬壑龍鳴修耳塵滌仙樂勝洗清潁流
何當遇青鬟紫金經可求跪讀三千日一雪山靈羞
石扇不我闕空望搜霞樓眇彼樓中人萬里霜炯愁
懸崖若飛觀雲石斑蒼青苔暈游鹿迹松濤鳴鶴聲
香霧薄亭午隱隱見柴荆長鬚一老者侍童二娉婷
了知是金仙再拜求丹經借我一卷書謂我骨寧馨
以正則治國知奇乃用兵展之皆赤文駸然不可明
跪請授真訣輕雲觸膝生雲生忽天半仙樂飄縱
橫

代園扇篇分

薰風入羅幃，悵悵習習吹我魂。良人患攜手，巧笑如春
雲。春雲在何許，念情理新紉。繡作乘鸞女，引領晨風
翰。願偕區區心，千里永古懽。匪美織文巧，唯悲行路
難。何日入君懷，得無過時嘆。幸塵君笥中，敢怨秋風
寒。齊紅甲天下，微物寧足觀。徒念惠綏德，終夜思漫
漫。

登天下第一塔

浮屠一千尺，中極斷靈鼇。麗界金繩立，登盤玉磴勞。
九成窮道力，一氣捲神皋。景遲文棟驚，風早法旄。
拱流天闕翠，簷轉海門濤。鱗起秋蒼遠，翳垂越霧高。

毒龍潛德水仙梵奏雲歌應照迷方誤降心見白毫
白門倚棹待月

長嘯白門樓北山高素秋蘆花風一夜空繫木蘭舟
垂柳亦如昔青蓮逝不留倒瓶佳句歇霜月始應愁
雜詩

轉蓬捲秋高客心鬱不寫蹢躅青溪上徙倚長松下
浮雲滋暮色棲烟寒四野衰枝歸鳥疾薄浦去帆寡
搖搖倦遊人誰與遣此者

月霽知野深岫高望未遙泉度風聲疎林棲烟色
沉寂怨中宵殊響感疇昔妙物信為賞懷人良已戚

古朗月行

辛丑五月十四見月望作

震符借夕照桑榆懸玉鉤飛鏡來雲端皎皎明瑤樓
五月陽尚壯清瑟忽如秋但見圓影垂萬方無不周
垣次何微茫庶星搖漢流詎須騰精化故知陰力稠
啞啞南飛鳥能忘爰止愁精誠誰與鑒徒勞杞客憂
憂勞竟如何惻惻成此歌

擬塞下曲

飲馬河西岸懸營塞北陲五行聽律響三法望塵形
夜月迎翰電晨霜凍絳星樓蘭如可斬熱血報彤庭
紫塞颶沙暗旄頭赤焰明九天飛虎竹五將按龍兵
百戰甘酬國三傷敢丐生如何留一矢徑為下聊城
冒頓驕如虎嫖姚怒若霆銜枚乘霧月轉戰度沙漠

風卷千營黑河流萬骨腥從他閨閭夢夜夜到龍庭
擢武矜雄畧橐弓尚廟謨由來深畏服不在嗜殘屠
弦勁明霜月兵奇散雪烏何當遵上伐長此弛天弧
翟儀仲文輦墓下作

忽忽過荒墓長懷翟秀才神期昨譚笑文采竟蒿萊
寒谷泉空咽衰楊葉自摧誰憐霜草宿蕭颯北風來
祖園

小子方成童嚴君苦多疾返哺慚飛鳥空抱趙至泣
蔬圃力可勝隣地幸有隙方開三十畝租之二斛麥
依牆植山藥瓜藤緣之密蘿芥期冬禦雙鳧覓永夏日
采采上村市朝夕無壅積差足供米柴餘以買藥物

書史幾荒蕪溫故趁暇夕懼孤遺經訓非羨朝膺客
機灌

予圃托地高不易得水力山泉伏入村溝池何湜湜
圃左兩石版省知舊溝蹟地勢比予圃低以七八尺
揭石鑿小池下流斯可積取竹納池中屈曲與水射
激水出竹稍入隊如潮汐機心豈能無俯仰總開益
推此利吾民庶幾霸者澤

改詩

余性頗近詩亦有學古力每於靜夜中諷詠徧千百
平流若無奇深思求有得廬山叅耒真屏氣似不息
如此三四年古人意可識譬彼山陰書芒角無偏側

涉世况崎嶇一一練心魄詩趣觸世態崛崒羅胸臆
落筆翻奇艱猖獗殊疇昔廼笑昔猖獗真同蔭不擇
亦或有志興蕪穉多傷格苦煉刊陳言真氣浮奕奕
雕琢當未安不覺廢眠食始信古作者此境先我歷
刪就詩稿屬十九弟季懷錄之

次韻三千日稿累六百首意若有深得不自覺其否

事斯既肆力心始別去取語或涉靡浮意或傷溫厚

篇或麗酬應斯態皆絕醜未忍棄前魚焉敢享敝帚

斯如吾治圃培蔬去僵偶一區三本瘦者為僵
一區二本短者為偶亦如穰苴

兵斬壯試棘手吾第今日歸嘉平正十九編題屬弟

寫畢事十日後寫成我當祭與弟餞脯酒

別圃

種菜且一年諸菜頗熟習各種標新名一一皆相識
父老憐我疲為我設講席明日來圃中便是路行客
予性最骯髒與菜情相得新雨土未堅足留故人迹
長揖別吾圃吾菜慘顏色汝何患無主暫別漫戚戚
來日大難

來日大難今當喜歡今日大難憂來無端昔遊東溟
言謁赤松食我松子顏色常童孤鴻嗷嗷戢翼未翔
揆矢共之失路可傷曰余爰止豈必嘉木念彼迷陽
履之傷足飄飄黃葉隨風辭樹有如客心乘憂無處
積雪在山內手如冰長劍宵鳴丹衷矜矜

宋文吏巖兵備贈裘褶紵縹紵衣各一襲帳被褥席
各一具機袖六端綿葛布各二端賦謝

志道恥惡衣聖人不與議賤于刳食貧家世遠羅綺
使君知人寒念茲踵決履為備裘葛衣紵布及帷被
匪言與人驕慮長布衣侈欲求性所安恐掩使君美
尊者賜不辭却之或非禮再拜受重貺何以畀君子
願公布陽春太裘覆下里

奉同太宰節使朱先生和郭景純遊仙凡首次其韻
神仙祖老子而其言曰死而不亡者壽則不死之
說蓋虛或又謂積功成神伏氣得仙夫岩廊而慕
山林湖海而懷魏闕是俱有不得已於中也太宰

德厚政成游志清虛列仙之趣深矣鍾氏所貶蓋
無有焉奉命同作輒述鄙意

反經足興民好辨徒栖栖智哉漆園叟竭來潛萬葉
中犧憚白茅化蝶怡丹雘觀妙冶駭羅搏空雲垂梯
鼓盆餞靈匹緣督御姁妻肯作改途俵跼踏求亡羝
皜皜善吾生素絲斯可齊

東訪滄海君座有年少思進退艷光儀坐人玉山裡
云何遊圯上心未化孺子遂與人家國躡足復語耳
爰漢良已造溝壑蒼生起將母谷神勤赤松顧而齒
始悔十三年空為黃石使

紫閣房青霄亭午羲輪鮮虛品發清嘯猶疑鶴駐山

上室鑿雲根咏風揮素弦俯仰遊八極飛輪馳弱泉
玉舄寧誤秦蒼蒼求蜃烟出入無窮門竭摩廣成肩
厭世疾不稱寄語王子年

拔宅騰太清嬰兒脫遷謝帝曰余汝嘉為卿舞韶夏
笑彼晉相國蓬心終不化仙僚追游娛雲隙翔鶴駕
回首見妖氛苛政蕪編舍手援無斧柯憶昔轉悲咤
周王乘日車追風薄四游湯湯既西瀾戴勝艤棠舟
觴開買電笑飛瓊三百投珠雲曜不惜瑛樹華無秋
一聞祈招歌浹沐丹頰流

昔觀燕縣上王生曾不災躍出五色烟招我觀蓬萊
颺爾借羽翰聳臂凌丹臺瓜棗奏瑛盤玉膏流霞杯

慎母逐陳人耽耽願其頤言念敦三節焉能超凡域
俯首問初心不敢失提孩多謝授真訣慚我殊丹才
卓午日昃影索震月生魄人生抱冲和一如受采白
賸言周德者歲寒知松柏大夫與役人逸勞頽夕夕
畔草逐風偃弓角及春液不見郭山巔鑪鼎餘蘚石
誰憐散豆樞徒悲化龜客

枯坤奠天台步溟浮方丈孔牖六濁人到茲五根朗
碧童雙雲鬟峭巒發妙響跪求紫金經仙書見存想
一都理運轂五岳圖歸掌七寶白蒲堂三清可恣往
王母垂霜眉顧愿裏有象遂投極樂園聊解微塵網
駕言望東岳日觀矗如頤但見九約伯鬚鬢怵我懷

爾胡樂淫刑鬼哭聲如雷血拇竟逐人駢豎何日迴
念茲再三咽長嘯獨歸來終留一隻履虛步躡雲堆
鳥飛任武嘆鵠呼從阮哀

將赴布政司試書懷留別大宰疊游仙九首韻

諸葛南陽卧安石東山棲霧深埋文豹亦云終艸萊
橫流在一振籌策敷春莢汗青垂末照望如天不梯
范生泣賢母王子拒哲妻與字濡首孤寧貞羸角紙
尚志友古人嚮往心思齊

先子誨其孤有恥乃為士汝父行可師學在一表裡
文藝抑已末况傲紛華子方人授等身襁抱初提耳
禁發術三省任重裕一起忽持穎慧質魁與曲儒齒

須慕第一流道左指仙使

丙午太宰主試江左得望眉宇

旅庭學詩禮豈意民成鮮遺書半未成逸響絕高山
睽蒙誰與發掄縵無安弦哀哀魂夢中涕下如流泉
森風不寧樹返魂無駐烟聲願豈不懼心碎違肩痛
武手澤存逝矣駒隙年

夫二夜惕號剛柔恤代謝玉衡麗繼明金柅妬仲夏
鯤懷斷苦德鮪擾烹鮮化魯女不食葵倚柱思逸駕
目營旌起壑術信川決舍終秘荷箠辨冀免牽羊咤
樵采媿虛力米負從仲游送蜚咏猛虎陟祀蕭歸舟
喪牛義翼垂彈缺交石投海若坐運化百川爭灌秋
濬距澮瀆冰朝宗滄溟流

注飲北溟渴拔豪中山災上宰策稍彈指現蓬萊牛
千應名世凡五聲蘭臺取將下天孫為酌流霞杯羽
輪駕不發眇眇媽其頤古帝牖庶莫遜君遊雲垓懋
和勅若保耳目注皆孩使知綏猷力不善罪非才

凍絮融玉馬溫莢躍虎魄非親君子光曷由不浴白
知止信邱隅懷我瞻喬柏奕奕光復旦惺惺靈不夕
身教模人倫雅言傾玉液始悔溺延絲未知諧鑿石
志持憂奪帥氣生慕逐客

三日汗浹背六旬席函丈律調生泰溫燭凝窮髮詔
義問聽無聲辭達擲有響事師服斯文科第豈吾想
脩己瞻成人酬文知措運掌篤志慚漆雕形辭神獨往

雖受金仙訣未足徵龍象自信非寶樹無為慕鍊網
芝蘭室是遠馨香漸凝隕從善故如登念此恐永懷
露珠警癯鶴雲峯收薄雷蒹葭白門樓水月交徘徊
遵渚盼鴻飛衮衣東國來薦鉉媿膏寶調燭昭窪堆
願終保素絲不貽鉅子哀

阻風登鵲起磯鵲

鵲起截江起走勢欲橫渡廻瀾捲日寒氣沒陰陵樹
輕策扣苔根曲逕穿雲路翹首摩殘塔蹉身眺層霧
鏗鏘石鯨鳴出沒豚魚怒老僧赤足來坐我說無住
形勝在必爭穴借長鯨固指顧瓦礫開礮馬凌虛駐
俯仰感今昔興衰等鉤注漫愁長風阻轉添浮生懼

皖城節署拜別太宰發楚程

趨皖謁太宰命作南楚游南楚足江山詩境助冥搜
唯爾詩骨騫皖士莫能儔精勤功自知唯余日拭眸
責實况盛名副言無易由克已以恕道不在遠求記
余臨別言內外多優游再拜即書紳含酸赴修舟
祖舫齋承宣枉顧酣飲終夜即席占呈

孝感粹告 公獨鎮武昌制府策戮囚羽 馳

祇知監刼獄未暇別亮良燭下公接轡手書何皇皇
分飭首郡寄黃州及漢陽玄提千囚徒齊集承宣堂
執訊兩晝夜暫從 免戕後此忽流言賊黨潛渡江
萬城內伏二萬城外藏約期夜舉火合城民恐惶至

期大果發并卒乘城防公獨出救火仍 羣吏跪
受與勿出輕冒傷公叱謹守門竟往嬰橈檣城外民
見公踴躍心遂康入城及雞鳴演劇傳伶倡云為對
君壽縱觀民若狂密遣守江渡渡口察迎將靜機不
可測樽俎折賦芒以此護黎民上邀

天子慶百里半九十求士 尊光為政有體要公誠
能攬綱况覩飲酒豪觀態微德量願更進一尊與公
譚秘章龍泉帶腰下三載韜鋌鋌試剗斷功吾軍期
足張中飲聞蜚鴻寥廓魏高翔

三月十九日贈別豐城傅布衣卧雲應經畧辟入蜀
世紛若不解嘯咤竟何求逐崔丈夫志豈在壯封侯

魏我二千里來從文字游楚北糜爛餘山川為含羞
何幸識君子武庫交森脩即今西去楚持石已江投
詎誰跋珠履實同蒼生憂贈君以一言謹慎為遠謀
示象未忘戰金木刑旄頭水距金南尺赤焰交芒流
度星光搖搖魔劫何時休

神武作新民迂奔誓依周積甲齊熊耳咄嗟漢有儔
長于膺

錫命能擘英雄猷敵國矧劇子孟亞夫護問仇受書黃
石喜論劍白猿愁行戮鑿齒殲綏脅瘡痍瘳妖星二

十四

經畧奏明川匪有二十四股

能以井翼留千載笑書生

畫餅涎饑喉再振儼勲揭此布衣旂肯作兒女別

契濶怨衾稠會當射聊書爭我五湖秋

早發漢陽縣

假寐漢陽縣驚見西牕月市闌晨未闌征人早發問

狂瀾流漲漢重岡崎大別險設爭不惡神禹功焉闕

草木腥迴風颯颯吹戰血千年剩莫壤誰識英雄骨

近歲况妖民鄰域聚草竊衣帶郎官湖遂免萬家厄

丙辰夏孝感賊欲滿漢陽以湖漲不果渡蔓延偕四州荆豫母乃用師拙抑聞

天德生明井不明鉞哀哀索命魂銜冤竟誰說亂久

恐民危司牧惠期實數綏從而愛至理不可忽衛霍

多金盤悖入亦盡出兵焚有道黎緩久本纖忽何必

問追微兩稅知力竭割雞飼仇鷹杞人丘內熱唯覩

麥欣欣同憂顏暫活

楊家嘴却寄舫齋承宣

漢川雨徹宵晨發苦泥濘出郭行半日露借雙槳勁
夾溪垂楊深人語綠烟定和風送飛帆百里入天鏡
村遠疑舟浮烟出通潛泳古木滅原蕘虛雲絕鳥徑
直疑水霧天頗愜蛟龍性怪非圖記地母乃蒼生本病
腹麥十萬畝淫雨遭沴滢豈惟隴畝夫庭卧龜鼃靖
去年雖有秋獲穀俱蝗剝今作神君館久魚地交競
淮災兩稅緩否則舊欠并欠課輸固當餓莩不遑更
大臣計盈絀先在卹命民愴我樂水懷不覺涕橫迸
過潛江懷人

昨歷潛江北今閱南郊外南北皆安堵朱君奇功在
朱君何桓桓四十多歲稜稜數莖鬚面黑身長厲
有誠是其名必亮是其字京山武舉人寄潛籍閱世
城西三十里村名曰上駟朱君桑梓情朱君踐食義
父賊朱君勇驅人朱君智三年之三月川東兵失利
賊遂出房陵焚掠漳漢瀕股數亦不一五萬十萬大
南漳又來南五日沙洋次沙洋抵潛城四十里而至
朱君號其鄉二萬人隨臂器械亦粗有行伍即宿肄
宵出遇賊鋒甲首累百則生擒六執旗掲首潛城示
初賊隔河屯見君畏君驚君馬疾如鳥君刀飛如翅
賊忽止君馬賊足見君背腰觸腰血累累射赤髻所

率二萬人皆伏嘆不寘後賊逼長湖不敢犯潛界激
衆欲長驅逼賊逆賊類督師竟掣肘以不遂厥志賊
乃趨襄樊并股復振勢僥戶頓灰燼至今瓦礫穢賊
熾功亦多花翎何軒輊朱君視浮雲暑連風不塵近
况聞督師賞功頗後悔出沒賊不常團練食不繼誰
其如朱君大義壯士氣聚之則綿繇散之仍樹藝能
叔保障功不受橫決害宿昔仰英風竭 詳實事何
當與君子畫扶譚金匱

發松滋雨次宜都

漢陽越江陵千里郊原蕩松茲一夜雨洗出萬青嶂
成邱更巖壑接武變偃仰初訝入谷底忽覺出雲上

峯矗排雲危江流撼谷踴峭壁行心怵踏蹴輿入愴
終朝苦泥滑亭午復霖漲跼身兒成翁散蹄馬亡壯
慘澹濕煙澄隱見陸城張侯館人皆疲指呼神不旺
一雨山行艱半日物力創况懷兵革交終夜心悵悵
張正謨聶傑人前年據邑之楊山為亂

夷道途次

宜都被兵燹疆域亦依然溪渡橫初漲峰晴帶舊烟
廻岡低夾路繞峽曲開田誰卹災黎命輕輶問麥年
三載楊山血遺黎半落魂谷煙誰煮石茅屋不成村
桃麥女歸柵飯半童閉門昨宵聞嘯雨鉦鼓為聲吞
余本

余本伐檀者坎坎清河湄勿謂寒心女竟受朝饑欺
碩鼠自食苗采頤窺靈龜息壤歎如忘市虎一已疑
白圭豈不潔青蠅易為緇芳桂尚不采惡木況無枝
丹橘移淮北化枳辱場師寄語遠行人石見空離離
奉同右叅贊渡江次韻

天上来荆江怒不洩峽口一夕震驍睡千里亂鼉吼
曲追蕩山罷旁奔翔屋薌邱茲橫流神乘爾惡風久
欵擊祖楫前無恙殷帆否流駛側舫戰風驚殺蓬受
勿謂夾蛟無不心燃犀有維主忠信亨足涉波濤厚
心戚忘過坦神夷失境陟靈長用先五行尚孚中九
識將東山謝養豈北宮黜觀公定力勝不負虎竹剖

况聞洪波咏劉生城不守

蛇見退過數十步至鬼見愁

山椒鬼見愁山麓蛇見退
蟻緣折疊梯出沒內雲外
夾巒屹石拳百丈不見臂上返
和仲駭卡拊豐隆背
顏行三五堵瘦麥百十穗
人古若毛公鳥尊皆望帝
朽石滑細流滑斷猿狖隊
山君游獵踏哀嘯休徒輩
雙纜挽輕輿湍洄泝峽對
豈伊叱九坂臣道不可悔
始悟蛇存身一退了諸礙

早發歸州緣峽行亭午止中石門眺鎮江閣

伐鼓震夾峽百夫牽扁舟肩輿道懸煙只綫紫江流
水瀾迴黑蛟山石眠黃緇五步十跬躩一蹶千生休

子規叫冥冥哀猿嘯秋嘯
盡畝汗散雪複澗霜凝秋
石門健岸斷江閣鎮雲浮
辭州四十里半日聊淹留
板閣梯滑苔巢光蛟宮愁
暮氣三巴來蒼茫不可收
明發更西水為東流蓋

召堡

戰罷麻湖險功爭召堡高
有民餘板屋無隴不營壕
燒樹鍾包穀鳴金鋤附毛
流亡初自植莫忘致鋒勞

召堡土名包穀者附草土名附毛

肅畝高埋骸居人指翠空
未宜京觀壯遂落保障功
垣總頻飛礮祇多散舉烽
萬山遮月黑幽壑轉憐紅
天將填壕下圍柱正賭恭
法雖信斧鑕鯢已鉗鯨鯢

富室傾歸子驍軍沒養兒神梟終覆昨盜賊爾宜知
長陽首逆秦加曜入巴東建始七大將駐兵召堡
累月賊屯麻湖去召堡十里俯視歷歷及額侯至
領本部乘高壓戰追剿累捷先長湖有富戶逆委
與 姻後逼為餉主又遣其黨事宋叅將為子斬
其馬膺不得走擒之陷其軍於諸逆尤為奸黠後
有歸誠者導

天兵壞壘入逆擁五姬手設急出帳指揮眾莫應逆
告其眾令盡散手刃五姬

以紫紗裹鍊索就囚

兩行入建始道

山深雲不乾，壑遠霆轉迫。俯仰重罔鑿，瞻顧變昕夕。
雲低摩天柱，霆高道守地。脉青蒼氣趁人湧，陸兩如墨。
江山來蕭條，山中集淒瑟。烟沐螺鬟青，流掘戰骨白。
取道沂瀑布，接武陵怪石。如通箭栝門，懼點呂梁額。
歸版本苗疆，候氣猶殊域。帷車叢紱纊，五月寒無色。
戡亂况新全長更，堠梗舊轍數。險戒王君尋，山匪謝客自。
非驤驥首，豈為假鴻翼。回首路三千，倚閭嗟于役。
有萋春草

有萋春草，偃我露階。不悅見之，亦孔戰豺。趯趯螽斯，
滑滑維驂。吟此鳴蟬，念被黃省。邁速惟終，孰違詳聽。
豈不克庸，東土肆命。冰非履霜，幹非引綆。毋離令名。

廼念骨鯁容光必照唯德廼馨渚無魚潛鼻有鶴鳴
式臧式穀式慎機寵辱若驚毋效馴狙君子擇樹春
陰秋實經牽燕足曷由楚秣匪數速疎匪止去辱遠
魏舍從近孤耳目

宸竟陵寄舫齋承宣

時承宣已祔

朝帆發章臺暮宿閩睢口百里浩波瀾烟水滅蒲柳
河道舊云窄怪問看罾婦婦聞語先啼歎答曰復久
六月日初七襄江隄失守潛汚及天門隄田億萬畝
隄崩水如雷白浪封戶牖骨內各趨生兒媳背姑舅
小孩幸周歲頃刻不離肘家產藉神君捕魚活子母
魚隨南風起醴粥尚可取近日北風多兒啼已無糗

蘆棚依薄洲，寢食蛇蟲偶。於今四十日，水汎力仍厚。
昨聞

新聖君時諭大臣某，勘災告實情。飢溺如身受，但恐賑到時，難民骨已朽。又恐安集難，流亡終十九。熟田偶被災，荒棄遂澤藪。三載被兵火，耰鋤少着手。今年差治田，灌決伊誰咎。視我湖北民，天如不克糾。兩月髮不櫛，覩客遑慚垢。聽此再嘆息，斧柯竟誰有。

哀秘歸

連日望桑榆，有氣如死灰。又如赤杵衝翼摺，千里來八月初五日。歸州聞賊至，急探得其實。去關才五里，官吏驚無措。奪舟避江隈，居民半明昧。飛轂傾槽臺。

後仰千丈山前俯萬仞谿孤障懸峽間一綫路榮回
老弱齒刀戟少壯礮崖隕屍壅閘不流澗血奔鳴雷
生途十無一萬室遽燼煤賊股入楚三一由興擾歸
興山駐軍門賊亦過其治令人千里外存沒俱疑猜
數日絕真息蹂躪更不知南漳荆襄害聞多伏瘡痍
兵勇拔營卡望風盡反馳終此賊周峻生道無由開
道始信保無內障功浩懷頗收才

聖主已拊髀蒼生猶降災卷身竟何言唯用紀其哀
西樓古梧南枝六月中為風折

古梧高十尋兩枝抱我屋當我別春暘及君陰未綠
君招火雲寒客集焦烟酷翼彼新秋陰慘此風塵目

入門急問君見君驚偏祝北枝嘆愚焚南枝嗟松獨
匪用諧宮商詎由聞驚驚唯君中直姿易為螻蟻辱
長風亦六月來摧折亦何速折梧枝尚可毋損楚民
殺師旅兼凶年引領望秋熟

別武昌

遠遊渝千里匪云必有方筆未代牽牛詎致沈
腰慶登高望白雲白雲自飛沈腰已變郊馬塵
驚橈槍昨夜玉輪寒故園此清光弱媳侍慈姑
念客思星霜自古尊贈思遊子熟中腸豈為玳
瑁夸不懷杯炙傷回首黃鶴樓鎖笛聲不忘苟
非夙緣深吳楚故殊鄉君看南鄉雁六翮輕蒼
生茫楚翮去中澤橫絕再回翔

揚帆下赤壁越磐口

即西山上有晉陶侃讀書處

遂達西塞

俗名道士洑

赤壁

記前遊寒暄帶客舟訪遺尋曲磴謁像拜危樓
劉石龍蛇古盤巖虎豹愁汎濤今縱樵烟樹認黃
州

坡老尋梅處山溪聞夏寒更誰運甕結屋白雲
端連歲妖氛

降蒼生血未乾
碧山形勝地方
面慎儒冠

西塞鎮全楚
橫江鏢下遊
當年經百戰
山壓陣雲愁
洲渚況多盜
宵烟驚柁樓
水師須日戒
三峽正防秋

擬古三首寄翰風

皎皎雲間月
添輝燭幽房
中有懷春女
撫弦歌陌桑
誰謂瑟和柔
增我慨以慷
義心多苦調
長嘆不成章
整襟步重階
俯仰思徬徨
清露濕蘭林
衣袂皆芬芳
所思千里遙
悲嘯若懷霜
嗟嗟蕙草晚
之子憂無裳

悲風來萬里
白日垂寒陰
暮色滋川原
出沒浮雲深
撫劍欲何之
索居懷所欽
堅冰塞洪河
衰雪暗高岑
豈敢憚艱險
獨傷失路心
念彼南山姿
憂思浩難任

山川出雨雲河嶽多靈異趨舍非一途丈夫重意氣
混混歎川上鬱鬱傷澗底誰恃雲外翮自損腹下毛
去矣梁楚郊獨從劇孟醉風塵千里黃荆棘走雙騎
空廬日抱影慷慨不能寐老農晒琅邪遑事問仲蔚
禪室四懷詩

峽布衣陳仙圖

中州有布衣沈疇深冷淵卧雲述行誼卓尔信英賢
帷幄摧橈槍戕幾請塵邊試可桑梓邦耕鑿頓安恬
數國知求孟賣塞豈閑田恨不與布衣劇談金匱玄
寄書與臥雲勸我早歸山感君知我名千里示真詮
余遂秘商歌願君長策宣終此保障功雍梁銷幕烟

誰知府主換君若星流天橋首望嵩嶽五色雲連娟
豐城布衣傳臥雲

已未三月杪君應經畧辟蜀事仍即勅知君久他適
別君歲過半不得君消息不識匡廬雲曾臥食霞客
憶我初見君目我以英物一為長夜飲再拜結莫逆
諄諄言羸軀精氣宜秘惜功名不可為吟咏復何益
名利今煎熬寤寐驚魂魄近或一夢君相對多慚色
伊余邱壑志苦為薪水迫塞驢鳴秋風驛留亦求食
何當得蓑笠奉母耕穹石

浦城撫部祖舫齋

侍郎藩楚北倒屣昔經過庶幾當一面得於恭儉多

理劇氣愈閒定。治不苟撫民以守地。會垣銷偏頗。
謂我真雅儒。反手能起疴。長策竟廢棄。督師聽不和。
自為幽薊行。道路聞易訛。旌節或駐秦。忽移洞庭波。
波流繞皖公。擊楫興如何。

武進處士張翰風

扁舟君去矣。別淚尚盈把。拭淚寫雨淵。不為知我寡。
九日莫愁湖。僦游聊寐假。假寐夢見君。黃岳紅泉瀉。
我今顏闕求君亦劉蕡。下載諷無衣詩。寒風何瀟灑。
酒薄不可醉。踟躕步四野。言念同袍人。千里路坎坷。
何用展殷勤。在遠分日親。

昔年

昔年十三四慷慨志奇功弱冠謁大宰詞芒濟朝虹
問我川楚策指畫櫓檣空嘆息天下才謂可軼賈終
遊楚策安邊承宣來趨風相期息原燎先試固楚封
督師見小利狐裘嗟蒙戎參贊誤有聞追尋鑲院中
奪勢竟漏言幾至禍叢躬別聞啓沃人薦辟皆雕蟲
使余用世志日隨江水東長劍遂歸來菽水謀倥傯
堅冰塞長途行旅無前蹤躑躅出門去忍凍凌崑峯
回首雍梁郊鞀鼓聲遙遙載誦汙水詩怒焉傷心胸
龍門渡

渡水深尺半環作綠玉寒扁舟循側石一篙未可安
佳名錫龍門確犖無留湍那知九谷底不有蛟龍蟠

兩崖峻干仞積雪迴義駭行乎畏斜日索糗不遑餐
顧見呼渡人男女頗且頑洶洶百十輩手刃或長竿
千里避水笑骨月棄團圞以糺食則死何能苦自完
我本為飢驅窮歲板嶮巖况聞流亡言邊深漆室嘆
蟻穴有潰防善厝故匪艱寄語專城人信此涕洟瀾
客邦江一月諸君子日相過從知余有中州之行各
以詩

餞輒賦三章奉答

一枝無安巢廣陵試秋翅翔而存舊知新交亦羣至
濁醪殊斟酌瑤章各編次嘆我何蹭蹬問我何憔悴
奔走西五年間關謁當事聞譽竟何益好名宜顛躓

於今求聞達忘心以消漬載諷卽邪言不覺更涕泗
玉鞭不可借金匱譚縱橫屢稱東土山詎聞竹絲聲
大白昔已矣矧余非降精安能免蓬飄高枕樂吾生
詩人念明發日月猶邁征君子各努力及聞蟋蟀鳴
臨流賦汚水行人不濯纓願移惜別意信茲嘆逝情
贈鄧完白山人

斯冰骨既朽千載絕妙蹟吾晚產布衣壯觀頗還昔
自從二徐來氣象苦逼窄不謂見君書激宕震魂魄
結構何窈深森森露矛戟出駘麗姿旌旆戰風黑和
若乳子縱似馬驚埒乃至無畫處逸韻流空碧又工
為八分氣興中卽迫其餘作行草亦足偶凝式專精

古所難兼技况絕迹二李如可作正宜復舌咋聞名
七八載于今奉顏色修髯初飄飄質雅到裙屐憶惜
吾友張朝風述君足奇逸擔簦遊欽州五摩天都脊
每到窮岩壑輒見題頑伯吸彼萬峯香以助十指力
嗟君負此才不勒燕然石蓬轉市肆間邂逅歌代食
曹霸貌行路俗眼反遭白真識故罕逢妻子當噉噴
唯余亦蹭蹬詩筆頗無敵監狗亦有人凌雲竟何益
各懷矩步傷况是同鄉客握手妙高臺聊足散勞積
把酒為君歌此日足可惜不歌已三年語語殊判判
紀蕪湖事

蕪湖縣寶塔灣居民汪某年十八歲其父於孩提

贖之育嬰堂撫為子嘉慶八年六月二日某從無藉
博遊父論之不從督過之其遂踞竈拳碎兩釜母拽
臂至之遂批母欣傷小頃其暈絕於地兩股熱而火
炙既甦股肉坐起成文左股曰不望不欠右股曰十
五日雷打不孝父母懼甚延道士於雷祖殿議求熟
香不燃某自燬炭爇之竟不燃某自知不赦初八日
夜縊於廁然竟夕繩絕卒不得死余適至蕪湖悉其
事夫父母之愛其子也克逆如是而欲冀其命天威
之無爽也凶人捐生而不改其法夫卷阿歌翩翾之
羽而庭氏射鳥氏職詳周官然則牛羊在牧必有牧
羣在牧人能斥去其惡者而已欽亮天工幽明一致

保甲湮廢吏不事事以致人道淪絕欲鬼不神其可得乎是故神道設教非誣民也閭閻九重呼吸遂通天高聽卑良可懼矣說者謂雷為戾氣之積物相值則有傷嗚呼使是說而信也不亦責侮矣鑒而便於怙惡者乎余故據見聞所親筆載之以信將來且以明天心不諱用刑而順天者昌之不必在縱惡也上帝非任刑殛惡著成憲陽故設斧鉞幽復信雷電輔此孚佑仁草彼不類面所以契聖心每聞則必變自古云神誅常發人不見良由惡既見早已登明譴陳殷師正賢讀灋州黨徧教恥加明刑大慙即屏遠無如身教衰徒取心事辨誤讀在寬書陰陽惑本願

藉辭擾獄市矢意從末減漸令遊間多極致倫常外
於此鬼不神從惡益肆慢於此天默誅人猶疑虛幻
諄諄命如斯赫赫德不顯乃能格克逆就死無悔怨
惡積固滅身武貞亦止逝若人雖不道其始猶可諫
孝弟講庠塾驕縱遏童州其有違教令鞭朴即遞薦
折抑其桀驁振作其忌憚鷄有頌食懷草不圖滋蔓
豈遂累辜孽至上達汗漫亮非賦性惡職竟由習慣
初聞極憤怒旋思轉悲嘆且復愁神力無方亦有限
焉能田馮馮下與人為難教先有父兄刑齊則州縣
一惡可得罰大烈終難犯不善善之資別憲樹風範
毋偽為仁厚以苟避謗訕其去害焉者實為騏驎便

不見雷示威亮工恃雄斷

壬申冬抄過李原謁魯公祠用公詩將軍詩韻寄亮

州都督陳默齋亮沂兵備熊介茲

受土作命吏所職固挺堦治亂常倚伏圖終在慎哉
論資署紙尾銘暫障雄材伊誰信求福臨難獨不回
丈夫冥周行肯辭陟崔嵬將吾識所達匪為名震雷
聰明果在窮禍福必先開毋待事變至始虞非意來
寄言專城者鄭重魯公臺

庚辰初春留別大明湖三首錄寄吳槐江宮保丈蘇
州胡墨莊給事陳秋舫脩撰都下汪均之上舍漢
陽以代答書

山東本齊魯儒澤垂千載云何間古今遂稱難治最
訐訟連歲月越驀成儕隊劫掠既時聞梟匪復相倖
半年佐行省始得悉其概民心實淳樸官方太蕪穢
以此成交惡豈非上征利縱蠹作爪牙養奸為腑肺
務為不可知六廉讀應廢庠序盡輟轢閭閻悉凋瘵
凡有訴謁者百計加苦累志在使道路以目無罣碍
秦吏示此意親民趨不回偶有服古士風知學道愛
一再傷沈淪更端步時輩聞有故亮令
保鮮字負白長洲人知
滿陽以二十年冬被議
虧帑發被逮時正值歲除軍民相驚駭謂此賢父母
來者莫與配雖無聽斷才宅心不吾害苦不勤輸將
必至驚薄對家家賣釵釧累萬頃刻萃以此稱難治

毋反疾省肉平易民必歸聖訓章章在竊嘗持
斯言公議訾狂悖

野人養君子斯義古有訓糾察實繁科短長易授柄
制廉冗未優推捐數日盛查扣與委提一一語盤硬
又復責供張絡繹從將迎豈能更率屬相與卹民病
取償在收漕攘奪過倍稱廉平人所難賠累矧無竟
吾欲事調和官民兩遂性先務取其心取財勢則順
近世民若瘠治生各自競不必言撫字但無增苛政
稍為除強梁良懦便稱慶迨至收漕時輸將有多剩
胡乃反此為唯知事暴橫終歲恣昏昏怨讟已早孕
民唯待浮收恃直得上請又曰予不戢刁劣梗吾令

周易為履鼠為惡不陽教告有心人治民莫求勝

無非同有非無罪同有罪齊治自古然於今竟莫改
夙昔秉微尚所至見丰采不能行吾志卷舌即言退
豈意來山東化枳襍蕭艾徒為稻粱謀竟作提挈偶
牽制等固難工責備斯有在曾未起沉疴坐見增親痼
屈指計偕期拔足出孽海已貽素食譏懸知從政殆
故人勞致書期許千里外匪無裁答聞執筆中自餒
少小奉庭訓廉隅為曾鎧誰應戀雞肋雌伏淹半載
深負府主懷

岳齡安字松庭
湖州正白旗人

遇事諮詢再中夜撫初

心汗忍不遑悔

自題夢遊東山圖

緬懷東土山卅載勞夢魂詎須雙駿馬絲竹猶可聞
少小有微尚所尚亦屢移庶幾待來年能知今日非
寫捫蝨圖寄翰風

景畧不偶世實畚耑山側弛擔謁宣武捫蝨吐胸臆
攬攘苦塵沙顧盼傷北億夷甫豈足譏陸沈難未息
鷺舫鳴秋風驛驢久失職江東無卿比傾蓋要肝鬲
宣武雖不終亮具知人識珍重寫斯圖颺颺蝨毛磔
登穀城山望黃石公祠

一卷書傳素千秋石祀黃名山緣地督孤宇接天蒼
客子頻懷古勞人此息疆流颺欽汗簡遺躅况仙鄉
風雨今靈異神期豈渺茫只應呼孺子猶得契真王

截紫霞雲墜斑爛薜荔牆何當凌絕頂重與奠椒漿
被放南歸留別姚亮甫撫部姚伯昂學士

杜陵破萬卷一藝得聞罷青蓮泣鬼神馬耳東風射
莫奪西傾葵屢稱東山謝伊誰借玉鞭相將輔攝厦

矧予幼顓愚性安藿食者常移恤緯心獨發倚柱咤

窮年究今古餘事涉騷雅傳蔡頗追風王阮欲驂駕

約見惡溪從

嘉慶丁巳燕湖苦旱為冬兵備作文稿神即日
雷強旱魃大雨如注

詩有旗亭畫

乾隆庚戌白門校薛挑哥以予呼夜春歌被之
管弦

好士大興朱下交洛陽賈閭閻遜培風棟梁資養櫓

文正公以吏部尚書署安徽閭閻聲振取贈詩曰奇才誇洛陽又
曰豫章振地深夏屋資棟梁遜前培風厚不獨火色揚

匣劍時一鳴投筆事戎馬矢靖雍梁氣驚鴈安耕耜

繞朝徒策秦仲宣終辭灞

己未仲夏應泰贊辭衡門可入蜀仲秋即賦歸來

樂飢負米敢自暇海上問乘槎河壩視塞罅備書代

服力雖伏齒旅亞宗臣持使節

謂覺羅長文敏公戊辰夏奉使視南河事

輕先譴高跨嘆息輔世才推食箸前借風惜憫昏墊

手援幸有藉未見金成堤翻使錦成哆信信吹相迎

遑遑飛詎下教言諒不犯跼踏哀知化誓逐江梅志

卷身寶學稼埋齒即遠焚避崖自別麝時有為貧宜

心因樗櫟下遮莫蹶霜蹄依舊躍祥治衆人爭棄捐

君子轉優假求艾憂痼癥說甘比膾炙幸託德有鄰

詎嗟曲和寡匪忘貧賤恥其如山川舍矯首玉泉山

烟水相吞瀉繫此千里心萋萋生如乍逝將納履去

魂夢繞茅舍撫時併徇知無寐猶中夜

喜聞田逆張格爾除夕就擒於饒蓋山用工部官軍

已臨賊境韻

教罕應通

張逆或擒後其妻子在教罕大帥檄令致送許以重賞

卡倫竟剽壕

卡倫平聲卡倫清和

孫赫怒逆裔死何逃

張逆係逆裔放羅吐都之

孫上相新玄袞

謂揚威將軍拜圖龍補服之賜中樞

舊白袍

謂參贊楊公以行五起家西平青海威著西域

宴軍燈照席求赭雪封

旄黑帽途難假

張逆入卡倫被黑帽回于截回

紅光馬更萬

生口供臨陣見紅光中兵馬萬

大不能抵敵是以

溝猶擲石

張逆棄馬滾入溝猶擲石拒追者

濤繼絕誠

天德孤

思信若曾八城圖入版

及羅呢部与弟霍集占俱以四部子被拘準部十三年 純廟既平準部

命獲送歸國反閉關拒 收其土為四疆入城

命遂遣孽役重勞此日欣輸檻從

今罷繡段不聞驚馬角盡解買牛刀用命原開網投

緝必引鼉

頭目八人同時生獲

東師歌破缺

長楊兩帥奏以東省凱撤兵二千獲解張

逆人郡西旅遣商豪

回王伊薩先遣回于十八獲送

前識懷先哲乘

時匪幸遭碩猷明德害凶性忤腥臊

同文或公曾言四部性頑難治以漢法宜

得首建國而設大將軍于烏魯木齊責其貢賦不然恐難事領派諸臣或有貪淫等事不過六十年後終當有變今張逆適符其期政參贊武公重述此說 上命直督那公馳往會議詎意三權握偏微

四守牢莠民鋤附肺

獻縣料民謀以正月十五日為逆其戚先期告

番子去臨兆

四城失守青海生番乘間擾河北及

戮力羣雄

集磯渠廟算標尊親通有氣耕稼變無毛

卡倫外每歲至八月

張大雲封出今以陰夕橋歡合歸

慈聖

王公以擒張通請上

皇帝尊號

上躋敬

皇太后尊號

茅分渙

大號

楊威封威勇公封果勇侯

酬勲容未已酌兕薦春醪

己丑六月十三日泊舟分水龍王廟謁宋尚書白老

人祠

作五言二首

宋韓禧字大本河南永寧人白韓英史失其字山東東平人

尚書無人說瓊山有微詞

印瓊山去尚書不過三數十年而刻祠壁詩云更無人說宋尚書

得毋不與立謂同柳下知貴賢固貴備苛求或未宜

老人信先覺覺覺民事有涯所恐不逮事豈在誇梁肥

尚書祛媚嫉聰斷復兼茲過汶貫河衛公私起瘡痍

不然秉麾節踞床驕如癡以位色拒人攘功巧構箕

國是未遑惜清議安足維不涉世途險詎知今則微
斯人不可聞牛渚發哀

詩閉戶憂鄉鄰媿乏簞瓢姿

汶水改南流用良非禹績遏其北東性豈伊龍王力

廟正祀分水龍王老人洞水學三七分南杜裕源則導泉

就下爰匯澤湖空細汶漲汶弱挹湖沙齊魯間水入復出者為沙

下游復引泗擊汶使不激懸流載高地正供輸上國

於今五百年遠矣食明德禍福聳愚蒙棟走玉帛

開河有村落可泊舟如何祠白公側屋僅容席神不散

虛養民宜道其直與祀誰同符南有平江伯成祖八年白老人築

戴村楔開會通河十三年陳平江築高加堰開清江浦而後南漕得以一水直達

十五日宿南陽再作五言一章寄題白老人祠

三日度河湖偉矣老人績予忖憂憫懷豈僅轉漕急

嘉祥濟寧間堤外平如織百里土塗泥利可興溝洫

膏腴不自愛頗足當漕白惜哉宋與金

全純字德脩泗州人官侍郎佐

宋尚書治水者今配食祠中

未有明農力或謂轉重室珍水至涓滴安

能問疾苦更事距川役不思水利興水害乃能草十

年五被潦秉耒民持甕相時謹宣蓄導脉疏湮塞灌

溉與浮衆並行斯兩益誰為後來者聽此言無惑

一萼紅次同舍韻

嘉慶十六年孟秋應百菊溪制軍招自揚州至清

江制軍請策僕謂李家樓漫口之水涓滴終歸洪

澤誠恐五堤吃重災及淮揚宜迅速估挑祥符五
瑞閘引河由洪灘二河分引李家樓之水仍洩歸
黃河可以刷深宿桃河身百五六十里至減堤迤
下本年係放清水不必大挑引河只湏將海口新
堤接長補缺於倪家灘以下淤為平陸之處抽身
溝槽隨估隨派集夫抽築勒限半月竣事以中秋
為期開王營攔堤放水冲刷雖湖流接長然大展
束禦二堤暢掣入黃而祥符五瑞又分減來源則
一兩月間新淤必能全刷五堤不虞過旺減堤跌
塘才四丈二尺大溜東掣進占自易九月望後定
可合龍計抽溝築堤所費不過五六十萬可以節

省之百萬，併力相度李家樓矣。制軍頗以為然，而
內外之議皆謂湖水斷無漲滿，祥符五瑞斷難疏
通。口眾我寡，又以事既入告，難以中改，主於內者
獲短主於外者懷愆。議遂被格。至八月中旬，湖水
驟至，於是開順清溝，析吳城七堡，啓智禮兩埧，勢
猶不減。主於內者惶惑失措，仍以祥符五瑞引河
入告，而事已無及。加放仁埧過水太猛，掣動石牆
埧基，墮跌，遂使高郵邵伯各埧遞啓，溢入下河，搶
堵頻難，生工無算。節近仲冬，而減埧尚未興工，湖
源已弱，分洩滋多。即李家樓隨手堵合，黃歸故道
難免倒灌。此局全輸，挽頽無術。十月二十一日，朱

白泉兵備在安東引河工次來促赴工車行大堤
自昏達旦既抵行館同舍生有填此曲者僕因和
之情見乎詞錄呈兵備并寄諸同志想有心人共
此可歎也

夜漫漫恨周橋巨浪又縱下淮七南邑生靈廿場盆
竈竟誰與語冰寒淮盡洩黃歸猶未轉新漕能否駕
輕駝人在秦庭謀先曲突四首辛酸萬目懷襄八
載究攻沙要術宣節狂湍鑊集六州錯成一鑄新於
仍露平灘慙此日補苴何在說機宜篝火更河干况
念長星照我怎禁汎瀾

瑤華次壁間韵

安東行館蘆屋幾椽枯藤一架鞦韆依然蕭瑟殊
甚壁間有邵繹堂尚書詞云櫻穿珞繖高架明霞
看一庭浸碧滿身清影玲瓏甚節透衣香幾疊輕
寒約住解留得而今春色訝石家步障凌空翻起
流雲嬌活淒清轉憶前遊是邵曲闌干春最奇絕
十年花夢應不識今日等閒蜂蝶詩魂遙越更何
處悠揚孤蓬怕者省吹徹陽關驚舞翠虬香雪辭
旨清遠姿致不凡樹猶如此人何以堪子山所為
賦枯樹也勞者自歌詩人不廢故譜此曲以示同
舍

修蔓繞繖宜顫春風藏架陰厚碧一枝枝玉釵頭上

深鎖明金百疊而今絡索蟄龍偃盤雲無色祝阿奴
好護枝柯雷雨湏看驚活最 最憐明月窺人只濯
濯張郎能伴嬌絕影迷離落應招入春來斷魂胡蝶
般清越稱騷客中宵橫遶更暗香沁入孤山同漫一
江寒雲

譜白石琵琶仙

為徐郎清蓉咏洛神裝照即留別還揚州

羅襪淩波渾不是用檝渡江桃葉離合誰感神光明
璫坐愁絕脩眉蹙含情欲寄怕惱起山中鷓鴣三尺
新綃千年舊憾心事難說 屈指計仙侶靈儔速攜
手清流怨芳節拚取一生惆悵付漫天飛英凝望裡

珊珊細步肯為君更舞流雪只奈徘徊盤桓一時輕別

譜白石長亭怨慢

清蓉別寫落花人獨立微雨燕雙飛圖照詞以繫之
剩一片漫空飛絮繞遍臺城畫梁朱戶燕語留人向
風前訴恨如許雨絲剪斷休睇入深深樹只碧草萋
迷幾惱亂王孫遊此薄暮任蘭皋極目是處墮紅
數東君管領可還記往時分付只一例冷落天涯算
煙月湖山誰主怎盼到春光依舊遲遲如縷
譜清真瑣窓寒

長新店却寄翰風蘭風曾容蕉雲鍊香都中並示

徐郎謝其菊屏之餞

八月隨塵其驢時早出富兒何戶家山入夢強半對床
風雨整歸鞭今宵甫能徹宵苦憶霏霏語又感靈光
合繞屏香亂也應傷旅乍暮經行處任適渙旗亭
杜韋尺五傳觴刻燭舊曲停雲思侶問天壤同病幾
人濕苓激楚無悔否算歸來蒯缺飄零只為嘗聞祖
譜稼軒賀新涼

南皋店聞琵琶

候館鳴檀撥急商歌長空洗碧一輪寒月百丈飛泉
傾秋澗過盡西風不發只一夜雙蓬如雪楚客離憂
三十載問行藏心共孤雲沒偏付與四弦說霓裳

舊譜真傳絕肯更弦徐張緩上暫調眉曉誰是寶常
身手好寺磬時時驚徹憑一抹雲凝塵滅錢笛李郎
風流息任龜年高唱同衰歇能否寫此悲咽

譜介甫桂枝香

將之濟寧訪晉卿雄縣先寄

江山滿目正易水送風力蕭蕭捲地黃雲起處老林
低簇斜陽慘淡車塵外礙秋空雄關前鼉河三呼凌
州一騁千古同足嘆逝者年華競逐品西笑東迷
殘夢如續書劍飄零到此執鞭非辱董生早就名山
業怕霜華侵髻凋綠狗屠猶舊還知能和漸離哀曲
譜稼軒摸魚兒

河間題壁其守令皆知名進士詞以誘之
問誰禁者般淒雨瞻烏棲又飛去烏飛休啄饑民屋
仰屋乳黃無數留客住賸躡屣挑招依約春前路呼
春與語怎斷送年華津梁點染并沒颺風絮賢王
業大雅流傳久誤縹緲空惹蟬妬讀書詎必能治賦
疾苦務通民訴文易舞看十萬瑤籤化盡江陵土取
盈未苦更緹騎宵來鄉耆繞索三日斷炊處
譜稼軒永遇樂

聞吳曹州次升入都計途中可相見過劉智廟不
值此去取道各殊自次升以試令攝金鄉首發大
難而能收之擢守曹州當三年報政之期急欲面

詢治要良覲既阻輒寄此章

當代書生伊誰無憾為得為處卅載間情拚將硯礪
付與檀槽去沈愁不盡囊雖欲脫又手領符權佳便
驚聞傳孤城拒賊賊心悻踞城虎經秋葉落分平
頭勤掃飄葉紛紛詎顧耐有吟懷尚堪留此驢背尋
梅路只今須記涇泥數斗贏得村農賽鼓還須問鳴
鳩拂羽鷲鷹化否

前韻

舊縣道中望黃石公祠祠在縣東黃山坐祠內閉
目輒有狂風雨之聲開視仍晴朗曾驗之甚信

瞻穀城山嶽幾能記黃石祠處夢雨靈風千年見說

不共炎劉去神師天遺神解天授諸將怎留人住棄
重關纔消賈豎况驚氣結龍虎 猴冠勿勿分鴻溝
西壤衣繡仍前東顧跨下圯邊一般堅忍除就陰陵
路紫芝歌寂赤松遊遠剩有椒旂桂鼓休重問君巢
已老好奇果否

長亭怨慢和王西御茂才韻

西御見虹橋外柳株被伐而弔之予適反自都中
感而屬和

記風外月明煙渚綠縐絲垂依依如許桂棹縈迴多
情點點繞輕絮惜春情重拚付與新紅雨怎會得青
青便怨絕長亭吟苦 延佇盼東君不見况說危欄

無主湖山猶是忍重問當年張緒縱杜宇喚得春歸
只橫笛傷春何處賸賦就蘭成悵愴江潭前度

譚玉田湘春夜月

徐郎赴隴右三載矣癸未柳下見嵩祝部名佩秋
者演絮閣一齣雖肌理微燥頷頰微削然仿佛徐
郎在丁丑夏秋時十八九也張玉卿為澤其膚豐
其頰遂爾逼真

望長安眾芳爭繞吟魂一樣看徧春光偏我醉眸昏
蔽日柳棉如雪只小枝斜倚春意傷春問有情解否
無眠一曲纖步溫存瑤臺月下龍泉雨後翠幃經
門玉腕招携何處是一雙蘭摧同夢巫雲甘州入破

怕轉蓬悽斷雖根重回首玉簫依約在水綃半幅留
住香痕

兩淵緣起

子齒齒受論語孟子至以不始
教民七年亦可以即戎壯者以

可使制挺以撻堅甲兵利慨然慕先聖之神武及受
禮至男子生而設弧門左三日來弧蓬矢以射天地
四方說者謂弓矢禦兵也生而習之明為男子所有
事乃大怪兵既男子之所有事又世事所必不能廢
何以學士大夫職入長出治者平居莫以為意一旦
有急則付之武夫悍卒其去謂棄也幾何矣稍長讀
留侯世家至視老人所授書乃太公兵法與諸將言
皆不省乃知斯世諱言兵蓋自止秦焚書銷鋒鏑始

也卒至任賈人子為將身國同賈豈非百世之至鑑
哉乾隆丁未春見江寧駐防勁旅調赴臺灣當行者
執途人而號哭軍官皆無人色深惟汚水之義利器
示人則奸民生心乃求古兵家者流言得孫吳司馬
三家之書業其章句苦注家不詳義類猥依文字以
為說及得荀子議兵篇乃知孔子所謂我戰則克者
甚信切于司馬正于孫而大于吳矣竊謂戰用衆力
能用衆力者在先得衆心能得衆心者在善推己心
雖曰三軍一人勝勝者之戰若決積水善戰人之勢
如轉圜石然非衆心先得又烏能聽其如驅群羊投
于無所往而坐待其決與轉哉是故兵雖絕學然求

之于心則其意固當未絕也嗣聞近世以兵名家者
有許氏虎鈴經唐氏武編茅氏百將傳武備志戚氏
練兵實紀紀効新書曾氏籌海圖編王氏登壇必究
李氏金湯借箸十二籌表氏絳澣百金方具書皆秘
不可得求之三載陸續見斷爛寫本或一二卷或五
六卷大抵編排門類雷同陳迹又其述行雜怪惑事多
繁費未見切實可施行惟戚氏為差善然右僚見小
不足窺大勇之門戶乃探索左氏春秋國語戰國策
越絕書史記兩漢書三國志所載戰蹟以恭伍荀孫
吳司馬氏之說然後知佳兵者不祥之器聖人不得
已而用之則吉祥善事也離後世然農才可復矣然

其能者未嘗不依于以佚道使以生道殺務在順人
情愛民財惜民力以宣布威德而已雖然兵無常勢
盈縮隨敵是不可預也其可預言者唯利地右兵然
而稱衆因地非如材技之可料揀于衆也又非倉猝
之可深恃乎導言也於是步平陸廣袤以度容人之
數而推日力所極及之曲直銳圓必求其當望山則
測其可否登陟察州本土石之氣以知是否有水又
望陰以意陽之形規陽以儼陰之勢具是吾峻可以
緣登可以覆皆足驗心儀移之絕巘深谷必要于合
曠則度奇阻則度間入隘迎高則度身手必備其變
如是者又三年竊欲以通先民之志祛後賢之惑為

書十五篇名曰兩淵曰將本曰刑德曰奇正曰將道
曰將任自曰將事曰將權曰將術曰勝全九篇為雌淵
曰衡陳曰陳營曰車陳曰騎陳曰步陳曰五地六篇
為雄淵淵本為体性明而氣靜受之有容而出之不竭
鴻雄猶言内外也抑以舉男子之職明儒者之效使
是書而不用也則紙上陳言小用之或迂疎無功然
而有勝殘去殺之君子者執軍命以當勍敵其亦必
有所取于此也乾隆癸丑十月朔旦安吳包世臣書
于宣州南樓

蕭何功第一論

帝王之起也必萃羣材而功之成也其成敗得失之故必
有一人焉主持之而關係甚大機樞甚捷故其勲業有時
不必顯於人耳目間而論者平情察之乃為顯於人所不
能及昔漢高祖既滅項氏大封功臣以蕭何為第一諸將
不服高祖喻以人狗之說及論位次諸臣又首推曹參鄂
千秋以何素守關中遣軍補遺給食不乏為功在萬世然
後何為第一之論定高祖嘗論三傑曰運籌帷幄決勝千
里吾不如子房鎮國家安百姓給餽饗不絕糧道吾不如
蕭何連百萬之軍戰必勝攻必取吾不如韓信似良高祖

之意亦首良而次何史公謂良從容言上事甚衆非天下
所以存亡皆不著似史公之意亦以漢之存亡繫之良又
比信于周召太公而齒何之烈于閔散則又以何居信後
然則高祖之心欲何第一者其果以何為故人而私之乎
然吾嘗觀項氏既得天下而卒失之者而知何之功在漢
廷為最盛也項羽暴戾滅秦所擊者破所當者服初入關
幾危高祖及軍滎陽侵奪甬道相守廣武漢軍屢敗當漢
王來靈劫五諸侯兵破彭城奪其根本衆盛至五十六萬
而項王以三萬人奔回擊之一日幾盡及割鴻溝東歸漢
兵追之又大敗雖垓下諸侯皆會然猶敗信兵是信雖善

戰尚非項王敵而知項氏之不滅于信也夫治兵如治家
家周于財遇凶年而不饑軍周于糧兵雖困乏而人心不
亂當項羽擊齊漢王遂得以入彭城項王無謹守管籥如
如何者可知故淮陰乞三萬人破魏趙燕齊以絕楚糧道
彭越數反梁地與劉賈抄絕楚糧項王內無可以托國之
良臣懸軍深入八九百里迫於險阻不能進兵雖屢勝而
力疲食少是以漢王得乘敝以破之假使項王有治內之
臣肘腋有備輜重相繼則進可以兼并退亦不至于敗亡
矣高祖獨懷遠慮以全秦委何是以兵雖屢敗而天下終
歸必得則以內顧無憂外可待時以暇制急也是故漢無

良信固未必能削平天下若無何儲兵時糧以濟困乏則一敗不可復振人將乘其虛以襲之不惟良之智信之勇未必有成即關中之地安能保乎楚之敗也如彼漢之興也如此則信乎何功在萬世矣淮陰陳兵擊趙廣武君說陳餘曰韓信糧食必在後願得奇兵絕其輜重龍且救楚或曰漢兵鋒不可當溪壁之其勢無所得食可無戰而之降故溪知兵者未有不以糧道為先則何之安百姓給餽餉不絕糧道是以惟善治國也其於治兵亦萬非參之身被七十創之功所可比擬矣然高祖之折諸將也以何之功為發縱指示余謂良常畫奇策庶足當此雖韓亦信在

指使之中以頌何守關之功固為不稱然而何之功無可
與比者固不必藉高祖之言以增重也

蒯通論

世人多言漢高帝殺戮功臣余觀高帝之不殺蒯通而決其不然也以雍齒之夙怨而先加封盧綰叛後且欲待病瘞入謝黜布陳豨之反也雖親征而皆就戮于諸將所最畏者淮陰以偽遊禽之降為侯而屢長安彭越有罪赦為庶人而遷之是其無意于殺也明甚卒也皆死于呂后之手而世不察以為高帝罪亦已過矣難者曰以韓彭死于呂后明高帝之不殺功臣何必決之不殺蒯通乎應之曰通勸信反其罪宜死即云各為其主又非季布樂布貫高田其等比也高帝之所以不殺者念功也淮陰引兵至

齊漢已遣酈生下齊信欲止通曰將軍受詔擊齊而漢發使下齊有詔止將軍乎何以毋行信從之遂擊破齊齊烹酈生論者常以酈生之烹為淮陰罪即史公亦謂通亂齊驕淮陰其卒也亡此兩人是亦未以通為漢之功臣也昔高祖至武關酈生以利啖秦將說下之留侯以為特其將欲降不如乘懈擊之遂破關入秦項王既割鴻溝引兵而東留侯又曰此天亡也急擊勿失則善謀兵者固未嘗拘牽小義小信也假以酈生說下之故而兵止當漢王困京索之間齊近在楚之肘掖其有不及漢為楚者乎漢王以五諸侯兵入彭城一敗盡反漢為楚是其前事矣况淮陰

既破齊又破楚兵二十萬殺龍且骨鯁之將及武涉之說
不行楚必分重兵以備齊當龍且大敗之後又分兵備齊
此楚之所以兵少食盡而有垓下之敗亡也故淮陰破齊
乃楚漢存亡之關而其策決之于通故通之為功于漢甚
大難者又曰淮陰不擊齊必引兵至滎陽廣武之間與項
王決雌雄漢王得淮陰助未必不勝項王何必襲齊乃成
勝勢哉應之曰項王兵少食盡解而東歸漢王食盛追之
而又大敗及韓彭皆會垓下而項王擊陰齊兵仍却是淮
陰雖善戰非項王敵也况益之以龍且二十萬之衆而又
無強齊議其後乎故通之功唯高帝知之矣然而呂后必

誅淮陰彭越者何也蓋高舊將如張良陳平等皆文吏自
愛周勃樊噲事呂后日久唯淮陰自楚入漢未幾即南面
而王彭越雖數反梁地然自以兵屬為魏相國此其位高
才雄斷不甘為呂后用呂后為人剛毅其稱制之心在高
帝時已具夫高帝呂后皆天授高帝封吳王濞知其應東
南五十年後之反氣告呂后以相王陵陳平之後非汝所
知然則呂后豈不能知高帝之未能久臨宇內乎產祿庸
材不足當韓彭故必以計先鋤之名為劉實以為呂觀孝
惠崩而哭不哀是其于劉氏可知也故蘧明允用董之論
得矣高帝歌大風思猛士及白馬之盟與廷臣歃血非心

懼呂氏之變而何是故心偉通勸襲齊之功而借跖犬吠
堯之說置其聳恚相背之罪以此言之則高帝之不戮功
臣也明矣

練鄉兵對

嘉慶丁巳季秋既望世臣謁大興朱冢宰于皖江節署冢宰喟然曰楚豫匪勢猖獗糜爛人民安徽西接黃州北邊固始勢若處堂吾子亦有萬全之策可近護桑梓而遠戢妖氛者乎世臣對曰為政之道先戒為寶冢宰戒之矣觀今之勢不強民而令不擾民而強莫若練鄉兵冢宰曰今勢極苦無食庫帑不能支銷募捐莫應則鄉兵之練費將焉出世臣曰川楚初招鄉勇日給人錢以二百文推鋒有績世臣則竊笑之卒有新野行谿之役者勢然也今仿行其法即多募義急公之士捐餉數十百萬以招集無賴散處鄉

邑世臣恐練之未成而安徽已亂也以世臣之法行之合安徽州縣匝月之間費不及銀三十萬兩可得勝兵五十萬人冢宰曰甚哉吾子之說之奇而震人也果鑿鑿可行夫老顧从爾後也世臣曰孟子有言位卑而言高罪也贊皇謂賤者不當議令子瞻以為有宰相之風况世臣桑樞孺子涉世甚淺稽古未深更非有計議能裨少岱岳之高溟渤之大然抑聞之不知而言不智知而不言不忠不忠不智又世臣之所不敢出也且世臣邱墓之邦冢宰為之棟棟之隆世臣所庇也大智好祭言賢不棄負薪誠惶誠恐獻其末議竊鄉兵之練也上下均其利乃利則未收而

先已不勝夫害者則以制之未得術也昌黎之言利
詳矣而未睹其害趙完壁五擾之說止見一偏夫必
盡知其病者乃能收其利蓋民無所餌則不應命人
給以糧則不繼其病一藉農為兵勢不能集城而教
習迨揀閱技仗鈍弱討不可勝罰勝則激其病二強
梁之徒授以兇械欺凌爭鬥滋生獄訟其病三具率
長總領兵眾挾持官吏短長少不稱意則橫呼狂嘯
桀驁難馴其病四汙吏激之奸民煽之或至不測其
病五為寇集眾鹵莽撥調彼既無所顧戀遇敵輒潰
其病六寇賊既戢鄉兵當罷不能業歸善後為難其
病七慮茲七病而不得制之之術故議多中沮而鄉

兵之利更代莫收夫十室之邑必有忠信矧江皖民
多勁愷懿直好氣矜鮮有詭黠不可馴馭之輩宜明
飭守令實力奉行後法課績視為殿最令下州于文
到五日內即行詳切示諭十日外即自備日需減從
下鄉乘馬習勞以先身衆喚集附近各村知事矜耆
為人推重者賜坐與食面行愷宣盜賊之害團結之
利使衆庶曉然共信官長為民籌畫保全之至計而
無詭遣陣鬥之患嘗見村庄延教師演拳棒子弟無
不踴躍旁觀亦見獵心喜而同演習者其患難救援
不啻手足况乎官為置師以懲懲其前又鄰有寇氛
以怵惕其後而不欣然從事者哉巡鄉時一面給門

牌查戶口略改十家為甲之法以二十五丁為一甲其業儒及行賈者不與立其素為衆服者為甲首甲冊成乃議派兵古法三丁抽一今州縣十六以上五十以下之丁壯常過十萬五而派一則邑可二万人家有六丁則正派一人餘與別戶合派戶一二丁者并戶派人輪操五人為伍五伍為兩兩置長即以甲首揀點兼督教閱不附兵額憂患相卹善惡相保同兩入素有仇怨長為解之坊郭工商一律編派兵法四兩為卒鄉兵若置卒長恐聚人較多難制故相卹相保至兩而止二兩一師令擇兵之能者或武生及邑之有材技者充當優給餼食於農暇教以技仗步

伍器械用長槍倭刀腰弩就材分習齊眉棍令皆習之壽蒙平原近賊烽處加習竹箚狼筈鳥鎗過山鳥一切火藥器具仍禁民家不得藏造願鳳廬六家有器械他處官酌造給費不敷則用纏竹鎗合竹弓柳條箭貧富必均其役古富者出財貧者出力之說斷不可用其好有義願輸備兵需者從優獎勵不願者不強各兩彙冊呈令令據總冊割為幾鄉鄉合兵千餘人於各鄉度曠地為演武場每季就閱清冊內但記家長姓名其丁多當出兵兩名者兩行記名丁少與他戶合派一兵者兩名竝記一行其家願隨師學習者皆聽值季輪派應閱之人兩長臨操呈單備點

閱後于清冊原名下註云某季某人應閱暗記其能
否以備真查核每單止二十五人兩長可以立辦其
師之名毋則注于每兩之冊端閱時不精技仗坐師
不遵約束坐長優等多者師與長有賞凡令下鄉閱
兵甲日閱子鄉發丑鄉牌乙日閱丑鄉發富鄉牌鄉
里既無驛驛又使莫測定期平時不致怠廢閱法比
營卒賞差厚罰差薄行之必信其亮橫滋事為民物
害者兩長白于閱時據律重懲知情而長不白事發
減二等坐之間有拔衆之能數閱後即申請褒異拔
于營標效用以明財收材力之益陰除驚悍之害且
各州縣俱有豪在大府籍有急易以聯屬閱畢照文

課例榜示優等于鄉蓋兵有常數而無常人則無逃
籍與無事而食之弊而有人皆習兵兵皆可用之效
又仿古更樓之法增損之每二兩而聯一更更各植
高竿使可揭燈夜以五人執仗擊柝巡之度地形使
數更聯為一會夜有盜賊即懸燈擊鑼下更應聲則
起賊處止擊下更望燈即應懸如法直巡人分守隘
路賊就執則某處先落燈餘以次落見燈聞鑼而不
應同議定罰例戲以驚人者罰出合會巡夜酒麪燈
燈油錢部勒粗就則議割兩為里約以百家立衆推
知事者為里長舉行保甲鄉約各令典并仿古義倉
之制諭同里隨力輸成公堂以備脩添器械令閱兩

載之後守于仲冬就縣一閱賞罰揀擢法皆如令并責令成甲日下諭各鄉使丙日來閱戊日即返人往來三日公堂給費二百四十文每里所需歲不過錢三十千文捐公自利不經吏手勸諭應不甚難也公費漸多則勸貯粟糶糶備災歉皆里長主其事而今稽其籍封疆大吏時差親信人員廉察守令勤惰于大計外叅保其尤以示勸懲夫家結為伍伍結為兩比戶相為保卹雖無賴群橫所向皆遇其敵流匪聞風勢必遠竄來則人自為戰樞扼拒之易易耳本境苟有艱莠則無所得而必成擒又可以點消覲覲相率改過以自崇正業是故農事不廢而鄉里日睦追

胥漸息而教化可行也永守不隳治道在是更無容
憂罷散矣夫民習戰鬥則心能自固而流言不能以
搖惑練有法制則人皆遵節而烏合不至於放縱計
一載造冊獎賞之費于官者若干而什伍知方城郭
不露若網在綱唯吾指使七病盡去收利無窮雖古
之靜能守其所固動能成其所欲者亦不出此矣且
城者所以守地郊鄙雖入保得全而室家無復舊境
况今城中類皆稠密一旦有警則唯坐視鄉民之流
離顛沛而莫能為策如何其不早立苞桑之計也哉
安徽現屬平靖尚可及也近乃調兵遠戍使齊民驚
恐奸民得肆其詭言毋乃為非計乎然而教技仗嚴

步伍不得其術終亦無濟于實用凡一切製器及鄉
政條教茲皆未及詳唯冢宰察訓之冢宰曰善吾子
老其材充其氣以儲大用洛陽年少不足多矣世臣
謝不敏而退越二日冢宰命筆為書以獻卒為臬使
所格不果行

安江賊對

獻卿兵議之明日冢宰曰斯事體大同官意見不諧
非吾所辦也近皖江境面五百里水盜縱橫或言楚
北停運水手滋擾或言安陸漢陽告急匪勢甚熾意
欲遂東此其嚆矢舟商攬賈剽掠及身野渡村漁斗
米斤鹽皆見攘奪兵弁巡江曾未遠城裂檄碎舟日
常數輩斯事甚急子為我策之世臣對曰楚運停已
三載為盜不俟今日匪果欲東勢可直下無須先殺
且潛匪入境必約期分待大股齊發斷無漫肆小劫
之理此不過安漢難民流端殘生耳米流民弱則巧
強則劫自古為然今江面五百里而水賊不下三數

千人措置或失度之勢也以世臣之策行之旬日間可不誅一人而江賊自盡且收以為利然進其愚忠蒙宰不能用也安徽憂賊東下共捐銀五萬兩議招水軍而未決夫投軍者皆無藉丐且不出水出江而伏嘔者十三四今江賊皆楚人長于舟楫慮無五十以上二十以下者性剽氣悍自兵興應募充勇見于戎習技仗被賊奔流進退無路近日商艦結幫而行日中而止劫掠不便故小舟米鹽一切剽取亦足明其為飢所驅非素習剽人者已今誠設重募於各口懸格愷諭招應水軍軍彼前得安生後遠死法其以今不待讀檄之畢也懷之以恩簡其強而知事者

別為哨長以領其屬派幹弁分轄教習万一有警彼
其父母妻子皆被匪毒其恨匪深入骨髓因其情而
撫用之倍于常兵無容以楚人而疑有奸也此與招
徃丐不習水者功利相百也彖宰曰善然安徽無戰
艦人言每樓船一費五六千兩故招水軍歷三月而
議未定行吾子之法江賊安誠可必或言不備戰艦
猶無用造之則費無出奈何對曰非無唯費不支也
亦曰不暇給樓艦之制高二丈五尺長十丈櫓櫓拍
竿非期不成此古人侮亡之師非應急之用也今以
意創分水龍百艘艘用銀百五十兩耳其制船底尖
兩頭銳如梭度載人水痕所及上五寸置轂貫船外

着輪夾船船二轂輪員齒板舟中發轂以足如水車
法平捺棍出走圓如太平船式外垂板衛輪及水二
寸以蔽行艦之機上架 盖牛皮慢如木驢以禦

砲矢旁開銃櫓左右各置三子穿山鳥一上屬之
入船巷而發無不碎者皮滑頂尖不能鉤着往來梭
織倏忽如飛無桅倉不受風力以輪分浪極穩其發
飛鳳筒者去慢筒增損古法以竹圍四寸長尺四寸
五寸上去節炙取汗令極圓平禁水浸透使不粘火
取四層錢落之薄而大者和潮腦松香斑毛膠為小
餅襍令花炮藥最上者實之人三筒高可十餘丈藥
餅附物無不粘焚者得此截江雖精兵十萬不能飛

渡也冢宰曰善世臣曰招安三數千人五萬之餉僅
支七八月耳冢宰曰然如何世臣曰嘉慶紀年以來
八卦門外新洲出水濶約二里長約十里大漲不沒
洲頂其竒水深處不過二尺是可圍為田也宜查明
有無人報水影妥置歸公應招人今冬且使住營習
規制及一切技仗不可遽勞致生惰獷之心開春正
二月間春漲未至時出令圍洲分段督工堤厚一丈
高五尺外修清丈以方五畝為畛約可得田萬餘畝
人給一區動借公帑無礙之項優給牛種鋤耨督令
屯出且洲勢挹城上游實為最要輿屯其上尤得地
利成熟時十分取二貯公以備潦歲給餉陸續製備

軍裝一收之後人有恒產各懷安居則善建不拔者
矣家宰曰善翌日語長洲宋兵備鎔曰包生真奇才
其言應變不窮確鑿無飾說然老夫旦夕且去此未
即用也兵備退謂世臣曰吾子說又不行矣江賊吾
責也為吾思其次世臣曰是有驅之而已行吾法十
日內江亦可靖賊船皆楚中雙飛燕易辨總計其人
雖多然分散港夾曾無銜尾聯樁至十艘者每艘四
五人是大群才三四十人耳賊畏與同人舟小不耐
風浪難挂江宿也宜飭本屬移書臬司轉飭江北州
縣一體捐廉添捕移營勒兵協防但守港口不出巡
江計五百里內南北港夾可宿船者不過四十餘處

共十一州縣分每邑四五處耳每處漁船百數日輪
十五船應用三人一船每縣兵役約二百人旬日費
不過二百兩曾未足辦一宗盜案耳疊示張掛港口
凡雙飛燕來不許入港違者捕擊彼必奔前港又不
得入各覓便地暫宿不能聚集定謀又無可掠取必
東下去安境矣若江蘓仿此行之當窘而入海耳庶
幾下策之得也兵備从之不及半月江安二境舟行
者俱無恙

籌楚邊對

嘉慶三年十月

世臣

應陳祭酒之招至湖北友人傳

臥雲言

世臣

知兵事有奇略于湖北布政使祖公之

望祖公枉顧世臣詰答祖公延至密室屏侍者而告

曰自嘉慶紀年兵興楚北最為糜爛賊烽近雖少遠

然奸民伏奔隨處皆是制軍防竹溪撫軍防邑東提

軍防興山與秦蜀接壤之處深岩密壑袤延千里節

節立卡合計兵勇尚五六萬人而所夕驚恐流言曰

至從前招聚鄉勇節次裁撤數不下二十餘萬鄖襄

荆宜四郡或數十里無人烟裁撤之勇無業可歸流

徙據竊在在可虞藩庫現存款不過五十萬連扣存

報銷軍需部費十七八萬尚不足七十萬各省調撥
無餘司農幾于仰屋此間名為省垣存兵不過數百
人各郡邑或至不敷看守門管勢同火上厝薪焚如
立至吾子亦有奇策可以保護疆域使之少安者乎
世臣對曰智者常曰敗以立功豈止少安而已乎今
春二麥大熟漢口近在隔江存糧不下二千萬石有
鐵行十三家鐵匠五千餘名又鐵商之所聚庫內存
扣銀兩介公私之間是可動用閣下再作札致鐵使
集鐵商之捐十數萬合銀三十萬兩以十萬兩買二
麥以三萬派買鐵行之鐵督各匠晝夜趕造農器數
十萬事約工價五万一面通飭各州縣出示招散勇

之流亡者妥為資送前赴襄鄖一面派委曾帶鄉
勇為衆所信服之文員前往度地勢揀屯每屯相去
以五七為度使聲勢連絡無論逆度及逃亡故產每
今給地二三十畝農器二三具種籽口糧若干漫撒
麥種即就墟落居住不必別搭棚屋若輩久經陣戰
火率有胆力無家室防兵為其藩籬年底必可播種
齊全正二月間稍集什伍演習技藝以助防兵之氣
其地荒以二年收成必倍比及夏初賊匪探知麥熟
并力締突以逸待勞其勢必敗威聲一振可以扼要
設防漸減墮地之倚一麥之後以各擁穀數十石已
有固志官運渠等赴漢口羅續為置牛具秋後酌收

五分之一就近撥濟防兵口食即在各兵應得糧餉
內扣收以歸原款楚北行之有效秦蜀必相繼仿行
各屯力足自守則兵可專意剿辦賊內不能耕外無
可掠聚蓋多其勢愈蹙然後開以生路勦撫兼施茫
盡霧消可翹足而待也祖公曰善噲條具六事上之
兩湖總督景伯景伯以示襄陽府知府知府間之曰
楚北兵興三載動用錢糧六千萬將來不能報銷者
約十之五均指此產以為弥补今招集無賴以興屯
田其成否既不可知而報銷窒礙恐大府將受無窮
之累也景伯以為然遂駁其牘

上朱宮保太宰書

發春原讀手札陰之寔情溢于言表時有人以不義
相屬世臣詭辭為拒未能奉覆每于邸報得悉新政
寅亮之勲煥然下愜私忱如依几杖世臣往返楚蜀
自春徂冬程途萬里崎嶇澎湃極水陸之壯險朱王
宅荒屈平厓蝕曜明妃應節之登佚春問月之岫雪
頽夏寒雲岩晝晦徑絕鳥通峽無柰下矧復目接鉅
鉉身偶腥骨數乘險絕頽影自憐誦登高臨深之訓
彌切慄悚心目交迫發為詠歌數月之間得詩百首
世臣少耽篇什頗無涇渭旬奉清燕迺辱獎許以為
庶幾作者入楚騷騷詞雪聞鄂江山之助志趣因焉

然疵類莫須誰与知非匝月以來飭身接物皇皇如
失唯期貞此初度遠彼指摘前詩云願終保素絲不
貽鉅于哀猶此志矣詩若干首都為一冊閣下政閒
閱之足以知其心之所存也至于親炙未可前期無
任瞻仰馳念嘉慶四年十月十日

上朱宮保大司農書

世臣頓首再拜言宮保大司農閣下世臣于客冬去
楚遂至金陵讀禪室肆力舊業秋埒再蹶重負裁成
默念受知深重恐遂不能自効馳驅著其隆寔以仰
副樹人之至意閣下嘗謂世臣敢言而不甚允用敢
以言此自効竊附野人之義唯閣下鑑察書曰一介
臣心休休焉如有容以能保利于孫黎民孟子曰其
為人也好善好善優於天下惟閣下休休好善之心
古大臣無以或過卿大夫之名在人口下近僻壤人
士一藝可嘉為執苑所齒及者隸籍門下十以五六
然開歲以來道路間言閣下彙引舊知頗涉門戶殊

無赫赫規為，聳動觀聽。雖論思密，勿不言溫。樹必有
外人所不及聞者。然天下屬望甚切，閣下膺天下重
望甚久，其亦以何饜蒼生引領之意乎？昔者孔門考
以四科，稱以四友。蓋政事言語奔走禦侮之材，莫不
咸在焉。匠氏所急，先求楫棟，而後彫鏤之華。醫師所
用，不廢劑殺，以輔參朮之闕。方今秦楚龍蜀轉戰未
解，江淮吳越水患頻仍，意閣下具亦廣聞衆途，苟延
奇俊，納落落難合之言，舉鑿鑿可行之策，惟器是使，
不次論功，政績歌于黜黜，髮軼可詳之汗青，使奕裸
想象風度，興起千載，其為深根固蒂，長生久視，與吐
故納新，熊羆鶴引，所得豈不相万哉？若乃富擬平子，

捷同枚叔詞麗徐庾才健燕許之流兼收並蓄以潤
色鴻業歌詠中和斯則成均礼部之職也其或靜篤
公綽虛致張蒼簡行懷慎浚軼蕭瑀于以矯揉華靡
標準浮夸則又所謂束之高閣待用之輩意者其俱
非先務之急乎世臣固陋未能喻意故悉愚以聞左
右抑聞古之為門下士也道古今而譽盛德入耳而
不煩然長安有萬家其能以此自達者當以千百數
計固非閣下所望于三千里外之檇昧昧于也世臣
近學農家法家皆有所得而尚未成書其急名欲多
上之心亦漸就剋省頃之三年或能淨盡謹附程
生隨計之便泐佈區區不勝惶恐嘉慶五年十月十

二
日

說儲緣起

嘉慶辛酉孟夏天津姚季光承謙從余游年比成童
志性拔俗夫師以成身故與三節一日之長所知宜
言導以讀書經世非科第間事測樂聞編論今古成
敗所問難或中肯綮遂請救時之要語答四萬言復
以郡縣繁要又別說保甲學政戎政農政亦四萬言
命之曰說儲以文多分為上下二篇果能沈潛思服
觸類而長則可知在是惟世所以置之耳用必遺身
俟諸名世翰風曰君子之為言期有利於斯人而已
倘當路君子幡然存勞心之志束身請益亦所不隱
也

上篇前序

國立於三行之以一夫維以德養尊以威合衆以財
財匱則威不行威沮則德不立非即橫潰四出之患
也而天子已孤立於上矣且夫法者所以一民也犯
之而不行則法固弛矣法弛故利浚於下而財匱於
上是故居帝王之尊秉恭儉之德以號召天下求安
吾民而莫之或應則自棄其法而已先聖之言曰王
國富民伯國富士僅存之國富大夫士國富倉府然
則倉府空虛非天下之公患也患民急而已然而一
二言利之臣方與搜括錙銖事鄰剽竊是使膏屯於
上澤竭於下是速貧之術也傳曰危者不可以為安

亡者不可以為存則無為貴智矣况以貧而不可富乎夫天下之土養天下之民至給也然而愁歎盈室凍餒相望者民不著業業不歸農而食用莫之制節也夫好善惡惡民之性也饑寒交迫奸宄乃成然而握金珠枕錢布餐之而不能飽也衣之而不能溫也然則天下之富在農而已夫無農則無食無工則無用無商不則給三者缺一則人莫能生也逮于士若介介無能為人生輕重者而位首四民則以生財者農而勸之者士備器用者工給有無者商而通之者士也然則修法以勸農使國富而主德尊抑求士而已今者民無殷婁莫安其生吏無大小各憂其貧軍

國告需上勤

宵旰調不給捐輸不繼雍梁襄荆豫跳梁百萬而兵弁
望風逃北群邑為墟淮泗偶被水災數百為群露刃
望食者千里莫敢誰何而公卿懷胥吏之心貴戚襲
國人之視無肯暫易其營私之智為國家深遠或乃
駢金約紫坐觀嘆息以告無罪夫為政有機知其機
者能因敗而為功轉禍而為福夫勞民易為仁弊政
易為善詳觀勢時兵弱威屈民貧財絕實富強之資
也抑務先義而已夫見目曉之效者忘遠大之圖守
府史之說者毀治安之器苟有用我持此以往雖三
代之盛不可妄期漢唐二宗必復見于今日也

上篇後序

論者常曰生齒曰益而地不加多是以民必窮困非
定論也今法里長三百六十步當官尺百八十丈畝
積二百四十步開方得七丈七尺四寸則方里為田
五百三十畝方十里為田五萬三千畝方百里為田
五百三十萬畝方千里為田五萬三千萬畝今者幅
員至廣錦州以東嫩煌以西隸版圖者各萬餘里其
內地徭賦之區北盡邊牆西距嘉峪東並海迤嶺而
西南界交緬以天測里今尺二百里當一度南北相
距二十三度半東西如之俱徑四千七百里截長補
短約方三千六百里為田六十八萬六千八百八十

萬畝山水邑里五分去二為田四十一萬二千一百二十八萬畝前此兵革未起戶口極盛時為人七萬餘萬口而工商籍皆兩占兵役喪亡在其中以田計口約人得五畝有奇通以中壤中歲畝穀二石五斗除去桑田歲可得穀十二石中人歲食穀七石糠粃飼雞豕則耕六而餘四夏冬所獲山澤所出不與焉且中夫治田二十畝老弱佐之可以精熟以口二十而六計之使三民居一而五歸農則地無不墾百用以夫給人所需鹽鐵燭油田有上熟二麥蜀芥麥鹽芥鐵桐柏質油壯男耕樵壯女紵炊老者飽溫幼能就學搜剔奸回勞來孝弟民樂生其戴后德吏政

洽氣和災癘罕至國富君尊兵革不試言雖大略治
要粗脩行之一年英父立朝行之二年草菅去野行
之五年可使足民行之七年幾于刑措如其禮樂以
俟君子

上篇序目

近日大吏頗勤圖治而治之大端則曰彌補上達者
日事追迫密飭者相勸挪移夫虧空之罪至重而牽
連之獄至多凡屬主守官員皆若朝不保暮自救身
家遑恤政體徒假賦婪以說詞無闕積貯之實效故
宜普布腹心絕其瞻顧使能實舉法意勉臻循良近
日先務莫先於此為第一

知勇才辦民之俊秀自非澤于詩書鮮能飭其行檢
若復內迫困窮外遭沮抑決憤熒衆每為厲階夫倡
亂執詞必指墨吏墨吏冤酷才被數人奸民口舌遂
搖衆志求之往古多羅斯難難賢相輔政治以二科

其才大而措意于正者求而進用之教誨之使不儕
于等輩其才小而措意於邪者求而誅殛之斥辱之
使不齒於齊民故下志得達而吏無廢事逆氣不萌
而國無卒釁也七八年來西南多故惟畿甸江淮致
為淳慤而刼官掠富者累牘不問計驅力脅者知民
相望吏畏民而貪益熾民玩法而生益熾曠才在野
可為寒心誠能致之以實封使吐其氣領之以職事
使致其心則健者可以戡亂淳者可以撫安即強梁
之流鷙悍之輩亦收驅策之勞並絕亮橫之禍夫屈
抑既久擢振知恩致身有途自新為易求士固是常
經揀獎尤為奇策且于今纓冕非無曉事而稽其施

施尤乖意義蓋為聞見日非遂使學識交喪誠能數以朝氣作其本心奉行教令亦庶幾矣是故精選院卿委澄京職亦即精選京職使監外郡既革瞻碩之源復授舉刺之柄責核名實鼓舞廉恥下愚不移蓋非數見之亂興治斯其要樞為第二

刑罰之設所以救弊流弊之極各有攸偏世輕世重斯其理也條其敗壞政教于時最切者以為發凡推類以求伐柯不遠為第三

養殮不給非所以優尊賢經費不敷則無以責廉恥官貪志汙寢忘本職所自來已略仿故事條別職守雖跡似更張而事無繁擾至于整飭外政功係親民

詳揣人情歸于寧靜使議政者不憚一勞則利及數世當事者量行一節亦澤被偏隅採擇由人列方斯溥為第四

理財為古人致治之大端尤此時當務之最急凡舉事不利於民者必不利于上詳度時勢條別其宜法舉則蠲款比歲而收屯成則支項五載而復而屯千萬北屯三百約萬河工二百才皆帑力所尚能支亦吏才所必能蹕防檢極寬流行自暢為計似迂收效至速然前四者不舉則行之或未能如指也為第五

上篇第四目附論

夫史者所以繕行文移檢校簿書習土而明風俗近
民而究情偽漢魏以前皆出身辟舉傑才間出每至
公卿唐宋以還屏為流水絕進身之望去代耕之祿
然而居其地者以長子孫故紳無世家官無世職而
胥吏承襲徧及天下惟獄為市樊樞于今前有部臣
因經承柘權太重又皆紹興客戶盤踞為奸建議盡
驅之反為茅輩所要敢加飯銀乃返視事遂謂部務
非紹人不辦莫敢復議斯皆吏不事事倒持太阿而
授人以柄者也今命以級賦以祿慎選士人而授之
精考課績而進之出身有途則人皆自愛養食有賴

則官可執法優者累考而遷劣者因事而黜使我髦
士藉此觀政時以土風詔其長官斯亦與地方賢士
大夫共治之遺也至各役並無名糧日供差遣微忤
而刑杖輒加坐贓則罪過平人舉事無名莫此為甚
均是人也而立以為官長謂其賢能撫衆才可理劇
也今處職者官而理事以友使友誠賢也當路者固
宜羅而用之不當聽其伏佐人幕已也誠不賢也而
使與人民社豈不殆哉夫幕友大抵刻薄奢侈貪汙
無恥之輩長惡圖私當路者莫不知也然予嘗與議
去幕之說則啞然莫應固以相沿已久重言變更况
今之司刑者問以律式輕重而不知司戶者問以錢

穀出入而不知司吏者問以課選上下而不知十常
五六也去幕友則張張無所之矣然思刑錢脩脯重
者及于輕者半之徵號書批諸小席膳設僕從之費
每友亦不下歲二百兩計一縣延友之費約歲二千
五百兩而大縣之廉不過千兩曲徇陋習身試刀鋸
甚無謂也佐貳助理名理既順勞逸斯當其幕友果
能通達治體可以上書新科取進不次亦無棄才之
嘆矣古之設官也使賢治不肖不以卑臨尊今巡典
受級僅比生監丞簿出身已劣舉貢故自弃于清流
益自張其橫肆長齊民不遜之心養小吏無恥之習
誠使貴貴相承足資臨御則輕吏之俗革賢賢相推

廣為辟補則沉抑之士罕又今學宮飾觀學師脩教
職冗于胥徒行汙于駟僧良以分既失勢地又居貧
凌遲之使然也今以丞理民復使兼學則德以威將
刑因禮重詔令以選學之源佐令以教化之實制時
之宜庶乎有中四民各有生業親友有入仕途遂輻
輳以從情民誠思無此依賴將能不食而飽不衣而
溫手游食集署非本官所樂從冷面所向盛氣所凌
加以閔防所束蜚語所指蓋十人而八九不堪矣徒
以遠路費難隱忍牽就或逢意外之虞竟成流落又
有千里投親而或出差遠省降補不諱至不相及常
至摧折中途化為丐盜已力可食儉則易給及事乃

悔嗟曾何及是故延幕之裁非以絕摺紳養才之路也隨任之禁非以阻富貴姻睦之心也裕官財以教廉禁民罷以教富人情之大原而王政之急務也

下篇學政門附論

以上學政諸條一皆生于保甲保甲未明則跬步星
碍矣夫為政在正心以求實效在細心以審真勢好
名高者舉善政而害人求速效者推至誠而不達夫
令為親民之職天下雖廣積縣以成故其職為至要
而其治為至易有心之士差知其要而震沮以為難
故一切委蛇從俗波靡此所以教化凌遲而民生日
蹙也夫轄隘職近廉問得之其一易也權專任久威德
自制二易也一事得民勸諭遼乎三易也故學為政
者必先求民生之要初任職者必先求風俗之略夫
千里異風百里殊俗淳漓相較去若楹蓬而樂安好

善得自衷彞者初無改也故令之得民至提莫如擊
滑吏至信莫如革陋規擊猾吏則得外奸革陋規則
絕內愧稽檢圖籍一月可畢巡城下鄉必勤問勞慎
無先於紳富就八十以上者徧問之可得人才地治
之概即其未賢教民長長亦未為失也巡轄既周就
聞見以較錯互亦可十得五六矣威名既振而優禮
繼施清操顯著而愷諭溫和不驕巨室不簡細民實
心謙德以張信威令之下如流水矣然則操約御繁
三月而保甲可舉身勤術簡三月而保甲可成山川
既悉可教樹莠之宜聞見既周可得賢能之實長正
得人老望不失迨于期月教條粗備然後利導以措

學選拔以教禮雖非邳治庶幾補苴之益矣視此以往中材可企苟觀者指為迂遠之說行者昧其先後之序則良法美意反為厲階咎歸作俑非吾所知矣

下為成改門附偏右

今教場直北設為座南向坐為旗台西向直為聖鑒門其門心十人
以皮棟銀旗于背于旁也手執鳥銃立于旗人之前俾事皆上便更請主將亦
過將來大與四昇鎧逐至聖門眾夫逐後與至旗座階向東卷旗畢逐升將亦
望金鼓重來城座于馬右夏登座即降涼帽位旁執羽扇揮其收事亦引
兵二隊藏陽旁立逐此向自為員陳步伍以銀旗亦乃為座將座右增一卒以紅旗霍
霍揮之旗台者更指雙袍擊鼓亦教為鏡指故咽喉迷項陣中出鏡手
對人鏡卡不遠又巡旋擊刺又出腰牌教人曰兵呼校三合身入隊逐敵仙乃旗使
無械之精察犯之逐逐敵之逐逐皆不門唯執旗以記其中者之云連三而次唱名為
將不知其不也果者則全武教以為是乃教卡不心騎射人若逐逐導引計與古眾

既退如和惟水其收自時未迄今皆方野戰所謂初一大之用其能運轉勇毅更
為親兵名曰什哈心臨堅實陣而置主其帥能不斷運糧餉而賭略諸
北乃知其日相經而多其水以不為敵之所料敵先謀之智使三軍若假人之
其意未確兵事亦倚機半利以持運為其文者其陣其勇視為仙像而戰甚其
謂古兵法及後而用始者跳梁心醜以方相角尚而停臥設運有利之敵貪利而冒進而
其健畏難其可退而將乘堅瑕謀難其有不敗望其美嘉慶己未夏于送亦賢
入其已東校閱其之按營防兵畢希贊曰吾子視其陣勢之所謂病點否余曰是子之言
乃主其機動乃大敵其所以習戰閱其所以監其也今帥閱而主其機動何以兵能
自何謂其曰凡陣皆向敵其今日置其機動之所其異日敵陣中乃其機動其將之六令三軍
之所持而初令其心其主之方收其步擇擊其對其主自原自散其視其陣其何

謂有旗鼓或各贊曰善如令曰古者入軍門必用軍礼周法與旗而謀故
至執持以左右拘乃赦以進走以表為節最收三卷三刺遂以教也漢度
曰天子講武躬操甲冑指使分馬勒陣進三匝而駐於華蓋是將軍安而
外拘本兵通典載天子大閱若期帥均為場此為陣至初設大次御座于陣
向者或執之就前視自本兵大帥以分冑指使立陣勒兵以整一偏舉旗鼓
進止若如周法所曰若若此武教也自武備失其意始末於素乃復御座設
於後并居之以避寒暑也陣以戰而後教之權乃盡釋於一之任已為其後和
戎多原籍驕伏遂歸來更武會陣平日益其後慮被教在中陣如前軍之由前
允乃得于臺前也陣以教進止遂進退久遂出今日大閱素與卷至于閭閻考校
考信跡于更卒下日而習莫如卷卷中陣虎擊古之文是跡遂志然矣非易

夫大將居於中樞者。魔東曉建。普教指示之威。非求偏而為奇。軍回首以望。彼
傾乃以審數知首。是也。敵往矣。蓋視如魔。既時發。神劍夜駐。神劍去
旅師。視臨旅帥。卒率夜駐。卒亦其隊。馳之卡布。上之視敵。必今日。格於日。
有子。所守。寧若。才心。成。視。又責。技擊。工材。所不能。改。此長。執旗。望。惟。心。
謹兵自衛。名。營。易。去。然中陣。閱。故。何。知。前。列。之。能。委。金。曰。出。策。決。敵。人。之。歡。中。應。
決。敵。人。之。勢。敵。人。開。闔。必。速。入。之。列。若。行。之。能。智。我。在。贊。性。曰。清。完。只。說。金。曰。國。制。推。
以。漢。兵。孫。像。皆。備。本。意。然。移。連。可。錄。言。也。以。別。際。閱。時。乘。馬。入。營。門。登。嘉。孫。採。錢。
此陣暫戰於老龍谷。利杜世更。
而。整。中。陣。部。初。麾。為。二。批。陣。力。送。合。之。勢。將。自。熟。還。身。于。餘。女。之。端。不。足。以。測。
兵。以。注。左右。夾。衝。以。被。出。入。陽。仔。交。板。兵。丹。之。狀。且。將。自。赴。置。身。于。鋒。丹。之。端。不。足。
以。習。胆。和。必。平。吏。士。誰。敢。步。何。錫。孔。致。難。於。報。協。決。初。只。差。優。下。必。知。平。

成子于戰心爲子令好庶幾夫夫未習于治臨戰而礼未習以礼于内以今
之法使今之人不果世之孫而微而治守百餘之卡中產而秀石之宜亦未幾歲
氏謂其練者主孫之演習于法練者謀謀于技也而所言猛猛之多可舍自
否之礼子曰以石氏爲戰未謂其之盛固之否兵也以此礼教中道也又之否民
以教以信也子曰今乃將之謂也其子尉僚子爲兵以教教也道也之言其
教引也夫館穆教射之師隨在弓之也前骨之術隨人知也其但高廣美者考
操以信法使師責于成而信皆謀多乃以之出練爲大將教兵之要廣內
所以修力武也其方也其以練中是教教以練中自日賞罰以信以練中而練
之要者久即李治兵易將而清者趙牧聖通泰而廣置兵教者不其美矣
成子之要道也今合兵習中史將利中節日三軍之命在于抱端之雅然

大者於前以平易習而中者穆事為唐西地極偏僻今以決以獲標
兵其於唐之太監曰善以賊黨方近未敢有非事今已即和戎
改號係別賜令之宜備于狂于習而修于用也故近出使于前

入蜀之三日五山更平河變道板卡弓七摩伊獲其帥將軍
中稱謂也 命領兵勇多金明

陳兵二千以在贊以為的金謂精練如之而十泰贊曰經略未修且急陳兵兵

十日不而姑以兵二千以有金曰公能能所為明日公其之泰贊笑曰公其母太易

乃金曰公能能臣多不其矣乃軍法泰贊曰何出此言乎乃姑之乃乃金乃撤

甲喇大親王移之金曰摩伊阿哨備二人於軍三根三百餘名二便即早

何於趙借而別其聲信矣其為巡捕者信矣其為巡捕者摩伊等信矣其信五尺守

其甲二根二百甲初石之現以候令時早泰贊亦之摩伊出五根為余設帳于

將名少東遂下今日植之於竹竿量其身身於中度并上將試舉三百斤石
 于長石中度而力舉三百斤石自將赴臺拔名府試未及于而陳畢自
 百人于長石及度在于之一茶贊因帖近相曰石知事之神機如山于大經
 兵于西于年未嘗力勉但不及于人亦何事曰八百人并起摩伊必必皆收乃揀
 出精勇於皆皆願為之摩伊必等初醒必不能持乃也後次摩上福長跪
 求自所揀兵恭贊曰吾友之言及中法公自就者友商之今日首羊于法公在
 贊石乃子曰者乃一等母未暇者乃乃數倍于一等才頃世之乃乃人車乃出
 恤車條別馬步校便甲喇大言必摩伊必揀之三等三百三百人入行、在二等
 信三餉二等信餉勇并加餉事之恭贊以是妻後者舉乃而于賜賜而于選登
 以四三人言自土校塞于改于為安策于恭贊石遂而恭贊中偏于改于乃

印陳僊遊陳文粹集

揚子說次日王連登進予自中已決去王連河故特便收泰贊乃祐予行時記
於此以為余亭真兵者卷凡言

下篇農政門序目

周公曰先知稼穡之艱難乃逸則知小人之依孔子曰使民以時既庶矣又何加焉曰富之孟子曰民事不可緩也易其田疇薄其稅歛民可使富也夫民歸農則穀植繁奸邪息上民明農則力作勸侈靡哀倉凜實而知禮節先王之本政矣本政衰於上游民盛于下曠土則州郡荒蕪稠鄉則椽檐比櫛又水穀之區遂絕草種樣之土不識桑麻各蔽土風曷由濟弊故穀賤者薪貴蓄豐者衣窶肥磽各殊疾苦同貫是故君子之主其土也省偏枯之失宜酌高下之定勢精其所習興其所缺因地制宜制利以力待歲使民困少



瘳則國脈益厚自士不興學鄙夷田事高者設性命
卑者矜詞章洎乎通籍兼并農民蓋田輸兩稅役攤
丁徭則一田而三征内外正供取農十九而官吏徵
收公私加費往往及倍紳富之戶以銀米數多而耗
折較輕力作之民以銀米數少而耗折倍重是故鬻
獄賣法分紳富之膏腴折銀糧加漕浚滄獨之膏血
至于申訴所及紳則勢脅富則利誘聽論常速以助
其踰邊武斷之威鄉里愚民不識城市之區未覩官
吏之面目非極屈鮮敢籲號而官則受詞若罔聞吏
則居奇以責賂偶有蹈觸厥罰必行故農民終歲勤
動幸不離天於災而父母妻子已迫飢寒又竭其財

以給貪婪出其身以快慘酷歲率為常何以堪此推
原初心匪盡無良知識溺于俗學性情汨于師友見
聞所限釀此伊戚不亦傷矣余居家瘠野且以食貧
如親園圃近歲客遊頗究吏術足跡所及東西越數
千里訪其風俗驗其得失爰証舊聞殊不相遠竊謂
治平之樞在郡縣而郡縣之治首農桑用集農說斷
以今宜脩聖旨趣務在易曉其有驗而不切日用
者則從芟除言必切實非文獻之無徵法可舉行無
迂濶而遠事別為郡縣農政詳其節目使勸課有方
而懲罰可據士君子或有所採擇焉其目有七曰辨
役曰任土曰養種曰作力曰蠶桑曰樹植曰畜牧

下篇作力目附論

農民治其業自非歲時伏臘省祠墓通親戚則晴事
耕耘雨勤織績赤背而耨艸跣足而犁水出入見星
工作常倍者為上農自耕其田歲息錢不過十四五
千文其佃耕与罷弱者可知也或有忿迫奔呼吏門
受斷明速而歲計已虛畧事遠延常繼橫貸滾垛之
困累世不復且均其稠曠縣五萬戶輸兩稅各稽
一日則歲耗邑力十萬工也三工治荒田一畝頻臻
熟腴是歲蕪邑田三萬餘畝也治田畝加一工則溢
粟一斗五升是歲減邑穀萬五千石也貪酷未形病
民已熾論非谿列理則固然嗚呼乘時爭力無忘勤

動撫躬推物能無怵惕故總時月興作之務附著作
力敬告在公或不以為小人之識也

說城

築城

城以守地。塋以守城。而不足守。是勞民于無用之地也。俗儒無識。以兵為忌。則城為虛器矣。夫塋者。以實擊虛。故兵法曰。百樓不攻。樓左右丈十。長兵及百樓。則二千丈之城。已凡塋。必出城丈五尺以上。或員或銳。無使露角。址視城低丈許。曲級而下。虛牆齊城。使人不能攀越也。平址開礮眼。間二尺而一眼。外方尺內方尺五寸。平人目開竇。外方七寸。內方尺。常以畫板如磚形。蔽之女牆下。為層級。高一尺。厚三尺。備坐且為固也。址上尺六寸。開堦潤二尺。內侈之。使人枝可施。堦高如人厚。一磚城面廣丈二尺以上。每十堦

礮眼二石堆四池近者逼址址使游水無所施力遠者
使可築垣拖屯橋宜濶而短丈五尺以外人不能超
而已城上下差以十四每高丈則外歛二尺五寸內
歛尺五寸使漏水不能傷有傾朽不至坍塌槽址逼
女牆飛簷外出可以縋引上下槽必六面前面平左
右前角迤殺左右後角及後面平前三面置扇蔽軒
下斜向外推之足以遠瞭收之足以自衛每門二柵
必嚴扃閉居常不使人登望長官巡城入柵閉即不
得縱人觀以備不虞所見城以百數平原則荊州為
善

荅董晉卿書

晉卿足下承示賦冊深辱推許俾加點定發而讀之
白雲易消息二首張蔡不爾過也愁霖告華紅蕙三
首亦文通子山之亞斯執久絕舊觀頓還欣喜之情
非可言喻僕家無藏書少不涉事獨好文選輒效為
之以古為師以心為範後乃得唐以來賦千餘首檢
其長篇巨製殊無可觀惟韓退之感二鳥張文潛酷
署差當意耳咸童事所越三四年內省外方邈尔無
偶暨出遊江淮間乃見近人竇東臯侍郎作駸駸有
慕古之意伐材近而隸事襟氣象窘迫大興宋相國
有進御文五十餘首華瞻勝竇氏意卑不能尊其體

張孟遜進士步趨朱氏而加脩飭然貪多之弊更甚
尊舅氏張舉文編脩識字諧韻而外腴肉竭金朗甫
庶常承編脩之指授用意秀宕而怯薄無以自立斯
數君者固已魁然迥出卓立類流質諸古人柔厚之
旨未窺一間僕以奔走風塵弱冠廢學常嘆生秉殊
分使不迫于飢寒以三年餘暇沈浸遺編源于風騷
以端其旨以息其氣播於子史以廣其趣以飭其勢
通於小學以狀其情以壯其澤滙于古集以鍊其神
以達其變則雖不能追蹤漢魏力崇淳質悱惻雅密
接武鮑庾其廢幾矣且通人有所蔽明者能求師以
李杜之材力耽爲古賦而所作率散緩樸擻至以其

法入襟言為詩行尤橫潰不可理退之四言碑志質
適可誦而詩則怒張無意興偽裁自誤以誣將來于
今千載始逢通識而竇朱草創體間雅俗張金之才
相繼天折僕又藉詞飢驅不肯竟學少小之章儷色
不純沉思未銳造物顧何厚於古人必使之獨絕往
代今見足下所著乃知僕于辰巳之年遂弃是事良
以足下于時始基天靳吾智以厚間自出茲以往其
無憾矣吾黨多才申者敦讓強忍博物多能文起貫
串今古通徹興廢是皆間氣特育任重道遠足下雖
以執勝唯此獨至可稱三足慚形憎白無復敢云謹

檢出舊稿十二首送侯剛勘匠斤所至或可為足可
張軍云爾遲日當奉過面悉不宣

海運南漕議并序

嘉慶癸亥河南衡家樓決口穿山東張秋運河糧艘不能行中外頗憂漕事

上以諫臣言飭有漕督撫議海運余曾遊上海崇明登小洋馬跡諸山從父老問南北洋事稔海運大便秘然非有所資藉而驟改舊章則疑衆難成既見邸抄遂委曲告所知未幾其議說達江蘇巡撫屬為論列然刪潤再三閱月餘始繕摺而浙江巡撫已論罷其事竟以中止余以其關係極重

故刪為議以俟後日之謀國是君子推取焉

駁海運之說者三。一曰洋氛方警，造資盜糧。二曰重洋深阻，漂沒不時。三曰糧艘須別造舵水，須另招事。非旦夕費，更不貲。然三者皆書生迂談，請得一一以事實析之。出吳淞口，迤南由浙及閩粵，皆為南洋。迤北由通海、山東、直隸及閩東，為北洋。南洋多磯島，水深浪巨，非鳥船不行。北洋多沙磧，水淺礁硬，非沙船不行。小鳥船亦吃水丈餘。沙船大者才四五尺，洋氛在閩粵，皆坐鳥船，斷不能越吳淞而北，以爭南糧也。沙船聚于上海，約三千五六百號。其船大者載官斛三千石，小者千五六百石。船主皆崇明、通州、海門、南

滙寶山上海土著之富民每造一船須銀四五千兩
其多者至一主有船四五十號故名曰船商自康熙
廿四年開海禁開東豆麥每年至上海者千餘萬石
而布茶各南貨至山東直隸開東者亦由沙船載而
北行沙船有會館立董事以提之余嘗問其每歲漂
沒之數摠不過百分之一而遇颶風鬆倉在其中鬆
倉者巨浪入倉豆見水輒脹大過倍恐船膨裂故酌
弃其半於海以鬆之也今南糧由運河每年失風殆
數倍於此上海人往開東者率一歲三四至水線風
信熟如指掌開東天津之信由海船到者無虛日此

不得以張朱已事為說也

秦漢唐漕粟入關未嘗言官艘唯劉晏傳有寬估之說諒亦祿僱民船

國家除南糧之外百貨皆由採辦採辦者官與民為市也且間歲并有採買米糧以民船運通之事而山東江南撥船皆由雇備是雇船未嘗非政體也取其便遠無他患何必官艘哉沙船以北行為放空南行為正載凡客商在關關東立庄者上海皆有店上海有保載牙人在上海店內寫載先給水脚合官斛每石不過三四百文船中主事者名耆老持行票店信

放至閩東裝貨並無客夥押載從不聞有欺騙又沙
船順帶南貨不能滿載皆在吳淞口挖草泥壓船今
若于冬底傳集船商明白曉諭無論其船赴天津赴
閩東皆先載南糧至七分其餘准帶南貨至天津卸
于撥船每南糧一石給水脚銀五錢上載時每石加
耗米三升卸載時以九五折收合計南糧三百五十
萬石不過費水脚百七十八萬兩曾不及漕項十之
三四此合州縣津丁兌費而言非專指糧道庫項也
而陸續開行二月初江浙之糧即可抵淀往返三次
全漕入倉矣船商以放空之船反得重價而官費之

省者無數又使州縣不得以免費津貼旗柁名目藉
詞浮勒一舉而衆善備焉先期咨會浙江提鎮哨批
寶錢陳江南提鎮哨大小洋山會于馬跡山東鎮臣
哨成山十島會于鷹遊門以資彈壓護送而浚津有
撥船數千號足敷過載由浚津抵通二百里無糧艘
阻滯挽行順速唯裝卸及發水脚之時若使吏胥剋
扣需索則船商或畏怯不前耳然悉心籌畫專意了
此一節亦非甚難之事也至行之有效然後籌裁撤
糧艘安插柁水清查屯田其事皆有條理可循茲未
及具論謹議

答劉芙初書

芙初孝廉足下，辱見過，不獲祇候，歸寓讀手書，已喻尊意。非足下固無能如此拳拳也。僕近况艱窘，是固愚昧所致。然我者以此相咎，則亦有以自白。僕之所由不合于世，一在不能為踰閑蕩檢之行，隨流俗為俯仰；一在樂稱人善，不無過實。觸聞者之忿，一在奸臣納友，朋本意責善之義，有投必報，亦欲諸友見僕或惑非僻，不諱諍責，以目遠於邪。詎謂聰者不審，遂伏隱怒。三者于入世之術，誠疏矣。核諸君子立身之端，未為大失也。說者多咎僕廣交延譽，此不然也。僕

自嘉慶紀年不賴飢寒恐迫溝壑始為失行出事干
謁由皖溯屬下吳越距河朔十年之間展側萬里而
訂交投分者不過十數人何濫交借譽之有哉或又
謂僕之交接品類不齊下及屠販此亦有說焉僕所
交其不着諸生籍者唯峽陳仙圃宿邱以園二人其
着籍武庠者唯京山朱必亮嘉善黃古愚寶山薛張
孟如三人其淪身微賤者唯甘泉王岩芝一人共六
人而已仙圃在河南賴吳松園河督馬朗山撫軍之
賢明委任不疑卒定大亂保障嵩淮推功與人或至
游典州郡者必亮當楚兵始興即募勇至四萬人為

官軍前驅以擒首逆汪學周張正謨三年春張漢潮
王聯登姚之富齊王氏并股寇湖北必亮禦諸長湖
敗王聯登之衆殲偽總兵一人生擒執旗六人馘首
八百餘人擗湖死者無算四賊氣沮一夕竄去以賊
是不能窺安漢黃武仙圃必亮忠勇智仁奇功邁等
而高風辭賞知名字內豈獨僕願与接交哉前年宿
州之變郵至蘇州未知虛實莫不惶恐張仲萬領守
問策僕以其時岳撫軍在徐州領守方有寵于撫軍
可以進言因告領守曰庚申夏客金陵識米販邱以
國者宿之北鄉人尚義有勇後游鳳陽過其家省為

鄉人敬服若郵白撫軍招此人可以除亂宿西出即
懷遠南出即靈璧懷遠廩生許升翹靈璧增生高古
岩皆有智勇重然諾恐賊勢倉猝難圖禮致二君足
以杜其滋蔓領守笑置之卒之以圍於賊起之第三
日隻身持械奪城入接仗遂殲賊渠王朝鳴衆寡不
敵又槍長不能巷戰為橫屍所絆遇害而升翹亦白
縣吏招衆千人過磨盤山絕其西路古岩自率其隣
里子弟數十人赴難守宿之南門此亦足徵僕前言
之不安也胡眉峰前年喪子哀痛致疾四壁如洗舊
與眉峰為詩酒交者莫顧問古愚故亦貧又不識眉

峰聞其豪而困遂為之移家同居任其衣食前乾隆
五十年嘉興大飢盜徒結湖盜掠於市飢民从之至
五六千文勢且不測古愚條約其鄉人無敢為非者
當路客延古愚與商捕法古愚往返三日遂以其魁
二十餘人屬吏居民安堵今年夏吳中被水不逞乘
機剽掠古愚閉戶僵臥一家六口日或一粥母子相
守無愁怨之色去年九月初六夜蔡牽寇吳淞直泊
高橋初七日晨孟如走至胡巷口見賊殺商人舟子
至數百即下鄉募衆及千人持械伏胡巷口民家約
曰賊不登岸此官軍事也登岸則害鄉里見起火即

齊上塘格賊賊竟不敢登岸者知此耗也初九日哈
提軍至炮台賊遣人縛商十五人至臺下劄示提軍
且致詞曰大出海謝大人毋久在此辛苦提軍愈甚
孟如因說提軍曰偵得蔡牽有四寵妾各乘一舟守
者各八十人珍帛盡在現安置小洋山生願得大人
一札帥吾鄉習水壯士千乘夜出間道至缺口趁早
潮放魚船廿五號抵板小洋山引其船入內港而縱
生口白牽牽必率眾前救生擊其前大人擊其後可
一戰擒也提軍謝罷之孟如乃聲此說蔡逆一夕遁
去岩芝為同邑歲貢生姚澍家待書從客開封教匪

據河南姚君為其居傳耿祥符倡練勇之議教步伍
製器械岩芝寔司其事未幾姚君引疾歸耿君欲得
岩芝為監奴其歲入千緡岩芝白姚君曰奴子侍主
遠客今見利而背主不義奉主歸不過食貧而留此
非有騰達殊遇也此為事至微後且有大於此者何
以待之卒從姚君歸耿君歎絕亦不能強也如此六
君子者以與文士通儒絮猷較守未必多讓乃欲責
僕之與交不亦過矣或又以君子不怨天不尤人為
勸此尤非知僕者也天之生人蓋有白痴失志不審
是非者其從事詩書則有終身不通文理名不出里

卷者其去鄉井則有展轉流離露宿草食不蒙一哀
憐之者而僕俱獲免于足雖窮歲奔走一無善狀較
之吳市吹簫夾壁注孟則有間矣尚何怨哉至于當
路之遇僕人各殊科事非一輒然皆與為萍水之值
而能多所獎借時有餽周施出非分揆之常情尚無
可尤况僕之差知禮義者哉或又謂僕心薄科第不
以舉業為事是又不然先君子專精此藝實志以沒
初心腐齒欲博一第以慰泉壤即今秋三場試卷十
四義闡墨中固無甚匹副在都轉覆之可以共信也
所以坦然處之不作舉子怨詆主司狀者良以委心

任運理遣而已謠詠之言足下熟聞之同舍自都轉
以下俱熟聞之故盡述曲折以相開都轉昨送所著
詩文集來質其不能聽僕漂泊自有處分如其能也
豈有相強之理哉得之不得曰有命國礼義之澤躬
哉亦閱歷所諳也天晴望過我以破旅窳風雨珍重
不宣

先白山人傳



山人安徽陳寧之集賢關人也姓鄧氏字石如其名以敬避
今工御名下一字遂以字行而更字碩伯集賢關富皖公山下
漱又稱先白山人以產僻鄉眇所聞見願獨好刻石仿漢人印
篆甚工弱冠孤露即以刻石遊性廉而尤介無所合七年
轉徙至壽州時堯人前已東知縣梁嶽主講壽春書院也
東以李邕書名天下山人為院中諸刻印又以小篆書
諸公笈也東見之嘆曰此手當語者法耳其筆勢洞達
余所不能元其才力可以較轍數百年鍾公矣因為山人
治裝而致之江寧舉人梅鋐舉人為文穆公季子文穆雖
負宦遊梅氏自壯采為江左甲族聞人十數弄藏至富文

楊文受

聖祖殊遇得

敕府異珍尤多蓋秦漢以來金石善本備在焉山人既至舉人以巴東故為山人盡出所藏復為其承食楮墨之費山人既得縱觀推索其意明雅俗之分迺好在鼓文李斯碑山碑太山刻石漢開母石關燉煌太守碑趙建國山及天侯神識碑李陽水城隍廟碑三墳記各種碑墓各百本又善篆隸不備手寫說文解字二十本年年而畢復僑搜三代鐘鼎及秦漢瓦當碑額以縱其勢博其趣每日昧爽起研墨盈盤坐夜盡墨力就後寒暑不輟五年所藏書畫乃學漢分隸史晨前後碑華山碑白石神君張遷潘校官孔羨受

禪大聖教各五十年三分書以山人篆法二字為宗而縱橫
闔闢之妙則得之史籀稍參隸意殺鋒以取勁折故字體
微方古秦漢當額文為尤近其分書則道而得頤變化不
可方物結體極嚴整而渾融無迹蓋約碑山國山之法而為
之故山人自謂吾篆未及陽冰而石不滅梁鵠余深信其能
擇言也山人移篆分以作今隸乃陸鶴銘梁特中石闕同
法隨俗為行草雖縱逸不入晉人而筆勢蘊藉與五季以來
俗氣山人客于梅氏八年學既成而其家益置不復能客山人
哉復如前草屢據筌獨遊名山水以書刻自給山人遊黃山至
歙縣南篆於寶耳武進編將張思言教授歙所撰金榜篆編
猶故深究秦漢篆為師所器歸脩見山人書于市歸語

脩撰自今日得見上之蔡真跡脩撰驚問語以故遂冒兩脩詣山
人於市側荒寺脩撰即備禮客山人脩撰家廟甚壯麗其楹
皆負石而刻耻及懸額脩撰精心寫作蓋百易而後定謂
莫能加于此也及見山人書即鳩正斷其額而石楹既堅不便
磨治架屋而臥楹請山人書之刻以乃重建其額服至此山人
猶屬居脩撰家編脩遂以山人受篆法一年脩撰稱之於
太子太傅戶部尚書曹文敏公文敏請山人作四體千文橫卷
字大徑寸一而改文敏漢絕具白金五百為山人壽乾隆庚
辰秋

然廟八旬壽節文敏以六月入都強山人同往山人獨戴草笠
執世鞋策驢後文敏三日行文敏車後以山東取薪水轉後

与山人相值於開山時巡撫以下命吏郊迎文敏山人策驢過縣門門者呵止之文敏坐堂上遙見山人趨出延入讓上席徧贊於諸公曰此江南高士鄧先生也其四體書皆為

國朝第一諸公乃大驚為具車從文敏曰吾居先生甚乃肯來都卒不肯同行願諸公共成先生之意遂与諸公送山人至縣門工驢去乃入就坐時都中工書者推相國劉文清公而鑒別則推上海左國都御史陸錫熊山人至都三公見山人書大驚踵門求識因皆曰千數百年無此作矣山人遂留都中未幾文清左遷失勢而副憲以憂累卒時都中作篆分者皆宗肉閩學士翁方綱閩學以山人不至其門乃力詆山人耳食者共和其說山人頓頭出都文敏治裝致之於兵部尚書兩湖總

督學沈尚書以鑒賞名家然于此事實疎不能知以人而
深器其高尚時中知名士多集節署裏馬都所山人獨布衣
徒步居三年辭歸尚書留之不可乃為山人置田宅為終老計
而觴山人之行日山人喜幕府下清涼散也今行矣甚為感色四
坐慚沮後文敏病篤誰其長子曰吾即適鄧山人必有晚進至
汝即以勸吾墓華表及專祠前楹足矣山人年四十六乃娶于
某不數年致沒繼娶于某然山人遊興不衰常往來江淮間
衡書以裕旅費余以嘉慶七年識山人於鎮江過數日
以余為解事知山人書明年復於揚州相值山人作太山之遊
至九年秋山人由山東至常州過揚不入城及十一月杪晤于陽湖
今因在縣知事成洛申者始知余與翰風同客揚州翰風

弟世金始聞山人名自歎原時山人得家書促歸里乃買具
回揚訪余於天長城而余適東歸山人俟余至三月朔
乃語翰風曰歲盡矣去而千里吾不及然持懷袖矣遂解
纜翌日而余至山人歸里不復出遊遂以明年冬卒於家年
六十有五歲予尚慙山人書至夥而少碑刻有書百軸存于
家又有百軸付懷寧大觀亭僧惟本聞悟本守之甚懷甲
者亦歐人之各體書精良者二十幅議勒石以永其傳
邑世臣曰余性嗜書分頗知其意而未嘗致力至于真行
草篆章之間則不復後人矣然吾見人之正書方寸以上者簡
蕭沈深雁行豎畫非褚裴以下所及余在鎮江初識山人時
嘉定錢坫獻之陽湖錢坫惺魯斯先在諸與余為忘年交

獻之自負其家法直授少溫然與余同遊焦山見壁間家書心
經摩挲等道時目此非少溫不能作而諸墨可百年世間豈有
此人而在此吾不敢復搦管矣及見山人知心徑為山人二十年前所作
乃撫其不解之書處以為詆魯斯故服山人家分為龍葉及見
其行草嘆曰此少師神境米黃所不能遂因余以見山人然魯斯
二行書名自天清厥世論者推為第一而魯斯執筆則遽不指
以三指包管外而六指相拒側入紙助若張之勢常謂永叔使指
運而腕不知之論為指挽皆不動以肘來去又謂作書無以指鉤距之
理痛下者今相承撥鏗之說意以山家法當同過藉山人以信其有
及見山人作書皆懸腕鉤管隨指轉而魯斯法亦疎遂助獻之
詆山人四力私意所中其識遂蒙青雲之交不渝終始宜定之痛美其辭解力之說也

錢獻之傳

君諱站字獻之姓錢氏江蘇嘉定人錢氏祖吳越武
肅王散處江浙多貴盛然以嘉定為望君季父少詹
事大昕通經史百家言為三吳老宿君沈博不及詹
事而精當過之學者所為稱嚆城二錢者也君少孤
貧於世事無所通曉獨好讀古書乾隆中士習樸陋
率誦四子書本經各一部時文數百首以資戈獲其
全讀左氏傳禮記者父兄輒以為務外廢正業同輩
亦相率嘲笑君年十二已無力就外傳願閉戶讀書
十三年三禮左氏春秋毛詩史記漢書許氏說文解

字杜氏通典及馬鄭孔賈之言皆能錯綜其義年廿
五乃娶三日即徹夜讀書如故君故未習宋人經說
始就小試以漢說說之有司至不能句讀黜之至再
乃補弟子員貧無以自存乃入都就詹事時都中尚
為詩聲酒徵遂以為名高而君不能韻語詹事以君
通許氏書乃命習篆時都中能作篆者唯學士翁方
綱遂購李陽冰城隍廟碑晝夜習之三月不能成字
忽患癰醫者診之脉無病而手足厥冷目瞠視鼻微
有息而已如是者七日忽中夜躍起濡墨作篆書乾
卦象畢不勝餓而寢翌早詹事視病君尚未見案

上篆一紙大驚君病顧已解詹事問病狀君答曰見
故無病兒夢至石室中見唐中老者指授兒作篆又
日夜不得少閒作成輒批抹最後書乾卦象老者曰
此可矣兒遂覺追憶筆勢中夜作此幅詹事細詢夢
中所見蓋即少溫云翁公聞之即從君索書數絕以
為神授一日君篆書遂名天下君名既藉甚試官物
色君文輒失之以副補貢生就職直隸州州判從陝
西巡撫畢沅遊遂官於陝二十年歷署文山縣乾州
華州事嘉慶二年教匪擾陝西四川河南湖北而華
州為陝西入河南要道君兼攝州縣事率眾乘城力

過其衝城無弓矢君仿古為合竹強弓厚背紙為額
二人共發之達百五十步又以意為發石之法石重
十斤達三百步一發輒斃斃數賊前後接戰者四次
守城者八月未嘗敗血三年春河南有謀啓賊者眾
數萬人招賊渠張添倫取道君部者三卒不能東而
河南賊事泄就擒西賊亦折回南山督師以功上部
前後得軍功加五級賊勢漸衰而君以積勞偏廢引
疾歸囊橐蕭然以作手作篆自給所著書有漢書地
理志注許氏說文解字注若干卷皆能駁正前人之
誤不為異說而要歸于是已板行君在陝多得古人

金石其文字尤瑰異者繪而版之為圖說若干卷數
十年來三代秦漢之法物多見物於世而世之知古
者亦漸多君其始事也近世士人爭為經學小學金
石學大抵疏剔字句小節不能苟通其大義又皆矜
已屈人莫適於用唯君以書生薄官安則撫民危則
拒敵迹其本末斯可以為不媿者矣補史記注百二
十卷十六國地理志及詩文集藏于家未版行君病
歸以嘉慶八年始余與相識於蘇州府署時君已六
十餘而余齒方弱又所學不相似然君一見余而深
器之曰吾周行天下識人無如包君者又常謂人曰

南陽有田可耕而猶吟梁父今包君身困至是率口
必及民間疾苦絕無怨尤不豫之色是其所負者火
而且遠賢於古人必矣今日包君自給不足異日衣
食天下必包君也又曰包君詩妙接陳思而賦賦如
予予觀其與人書累千年皆率筆無草然條薺雅
密近眉山父子吾以專家之學與之言彼略一涉之
則數十年沈精所得不過也自古文人少所樹立皆
器褊好氣矜不自檢飭今包君可謂純淨無疵者矣
然君初至吳當事仰望丰采結納唯恐不及卒以極
命故見嫉於當事而君境以益困君不悔其稱余

益力君以嘉慶十一年十一月某日卒于吳寓年六十有六君長子不慧病後有二子皆幼君嘗自為墓銘及行述余未及見謹具所聞之確切詳備者著于篇以備史家採擇云

已世臣曰余識君君即云足下異日論史

國朝當倡經學傳自唐以來治經無盛於

本朝者雖純疵不一其可錄者皆存之於史使吾名

藉以不朽足矣余謂君經學為學者宗而駢文亞徐

庾篆書自鄧山人外莫與比所謂不暇良史之詞者

矣余困躋如舊重負良友車過腹痛此言是矣

甘泉訓導鄭先生碑陰述

武進鄭先生以嘉慶十一年十一月廿一日卒于甘

泉縣訓導官署其家孫國子監生良弼既述其行以

請于有德而能言者而先生之門人知縣左輔又自

為之狀故吏部郎中貴徵誌其基安徽巡撫初彭

齡又擴大節而為之傳則先生之美言善行亦庶乎

備矣然世臣辱知于先生者深所言當有當先生以

經學名字內為宿儒然人稱先生為經師則先生不

樂即世臣亦不以經學推先生也先生之治經也尚

調停漢宋之間又喜採異說然近世之治經者數十

人世臣蓋盡識之雖精確不一大略以說經名高眈
鼓聲噴而巧為取利耳退核其所為則僻違怨誹與
所學相反而先生之持身接物必準諸孔廉潔退讓
至死稱道不亂此可以為躬行君子者矣先生之志
在經世所學既成而不得用則常與當路諷誦民間
所疾苦于兵政海防屯田尤詳切然當路莫有能聽
之者其偶有聽受則事屬微末而節目條理復不能
稱先生之指是故當路之遇先生也雖兒乳口頌而
其心則未有不勑且厭者先生審知之然有所聞見
必詳疏以告不已世臣自弱冠遨遊見英器于公卿

蓋未亦志先生之志詢今證古卒不得一見諸實事
而其言又每驗諸公亦以為悔然而繼言之復不見
用積悔以成嫉者且比比也世臣于此蓋有戒心焉
然先生每有欲言必與世臣商可否世臣或審勢而
沮之則唏然怒曰天賦子以智勇蓋將有為子安知
常路者不有一時之明能行吾言以全活生靈而不
負天命耶為一己之避忌遠傍遂忍為默默非吾所
以望子也先生之操持堅定不从流俗也蓋如此良
弼以嘉慶十二年四月十三日扶先生柩歸葬世臣
故揭先生之志俾良弼镌諸石背使後人知先生之

可以為百世師者在此而不在彼也先生諱環字夢
楊又字清如涇邑世臣謹述

致伊揚州書

墨卿先生閣下前奉手書承以洪湖泛漲河庫支絀見示
斯非世臣所能有裨益者故未即裁荅定不罪也日昨下
河填水為災男婦任挹來揚覓食而當事莫以安集為意
唯飭門管閉門下鍵有如戒嚴其先入城者數已盈萬圍
守鹽典兩商嗷呼填塞幾至罷市文武乃督率兵隸從橫
驅逐老幼奔突民情洶懼袁浦去此稍遠傳言想必加重
但未識已得徹聽否耳制府治亭先生調閣下攝河庫原
為慎重收支非苟以觀察頭銜為閣下榮更非以工需平
餘為閣下潤然揚州實閣下所守之土災黎實閣下所親

之民無論成釀巨案滋成窒碍即灾黎守死無他其能不傷仁人之心乎揚州地屬可為釐使約齋先生又君子也世臣昨稿釐使言及此時灾黎田廬皆皆沒退無所歸京口禁渡進無所往且淮源漸弱水消尚易流亡四散回籍為難唯有留養在揚以俟本籍大賑乃為得計釐使深然其說唯以現在當事眈眈鹽庫間欸群欲藉灾求富是以持重不發耳若閣下即日旋節釐使必能望風相助鹽義倉穀祇須發碾新蔬之資釀金立集揚城內外名利如林廣廊復厦足敷安安分別男女族居村聚人日給以米半升錢十文無須更擾街市灾黎本皆有業良民結隊求討計出

無俚閭下以仁政漸劇之是必能守法而從令也一商請
賑使查案飭商在各災區擇便開廠計本籍給賑有日資
送回就以需水退葺屋種麥不致漂宕失時尤災民所至
願也留養月許下河水勢漸落賑廠必可揀定乃集舟於
五台山募剃頭人為難深髮給資遣發以免重複仍先於
留養處所各置官醫給與戳記約千人而一醫醫方有戳
藥肆即與付藥留則有柴有米歸則有船有資病則有醫
有藥死則有棺有歛人數多則三萬日需米百五十石錢
三百千日數多則一月當用米四千五百石錢九千貫加
以醫藥棺木船價路費釀白金二萬兩必可藏事而歸還

殺價在其中則災黎賴獲生全居民坐免騷騷專城遠不恤民隱之譏遜聽無距城駭衆之說閣下諒無不樂聞而急舉者也制府素不謬世臣言唯以調撥道府大政非局外霸人所宜攬越故不逕上書閣下如不得辭者或即以去齒白制府必得所請且得制府為齟使一言尤易集事於望台旌守日如歲伏唯垂察六月二十七日世臣頓首
嘉慶丙寅六月予寓揚州觀蒼天順園災黎以二十二日始至二十四日閉城者再二十五日遂不啟予以二十六日由遞發書二十七即達大守炳燭謁制府制府命二十八即啟行並以存揚州之粟麥二千五百石為

助是月小盡大守以七月初一日昧爽回任而制府書
已二十八薄暮達醴使醴使即籌款以須矣大守如先
法安棟初二挨散錢米一切尅叩撓襍之弊剔除淨盡
大守每日仍責^青鞋布襪徧歷諸寺院共留養災黎三萬
二千餘人無一人更擾市肆者聞二十八日下河廠開
中間病暑濕者千數死者才五六人三君子澤溥而機
速誰謂人定不可勝天哉嗣後每遇災荒輒恃閉城驅
逐為上畫世俗言古今不相及前事已絕響二十餘年
耶錄此憮然道光庚寅季夏世臣附記

畿輔形勢論

嘉慶十四年春隨計赴都試事畢訪檀柘大覺之勝遂由西山傍邊牆歷易州懷來赤峯密雲順義香河諸邑之郊者半月入城求輿地全圖以形家言核之形勝結作為天下冠知始胡人安能起脊之說為大判謬也儒家言聚人以財形家言山主人水主財水上其堂則賦財歸之故都於建業者能轄西南萬里之九真日南而不能統東北三百里之淮陰即東北百餘里之廣陵亦時得時失以淮水北去餘分下邳溝以入江者無幾故也南幹自慈嶺分支繞漠粵逾五嶺以至黃山走天目繞震澤渡廣通燥起茅

山倒鉤食江水而結於北山北山石尖峯二為廉貞正體
跌覆舟山為培塿土起鷄鳴寺北極閣走馬兩猷天金六
朝宮殿即依兩山之下火大土小金被火鑠故一再傳而
草草命之時宗室殲戮無存而市不易肆士大夫各仍舊
列及南唐移牙城于北門橋之南中跨秦淮起宮殿于今
鍾山書院之左右係由朝天宮左分下支脚為北極閣之
蓋砂者以非南幹正結不能吸盡江水故南唐之境西不
盡豫章南不及會稽而歸命之後兄弟四人三百口得以
無恙蓋兩金之殺氣由鼓樓岡接陶谷為連氣水生倒頭
水以結餘穴故也京都龍來自北戒由龍門出塞外干起

萬伏起玉屏山為少祖飛鷺展翅西南至房山東南至昌
平各長百餘里為祥雲捧月之形為第一重砂東抵山海
關西至井陘口各長七八百里為第二重砂永定河自雁
門來東南行幾二千里與白河會白河會潮河潮河由古
北口外西南行入塞亦且六百里入白河與永定河交於
通州為內堂第一重水而拒馬滹沱唐滏諸河會大陸寧
晉兩泊及南北九河之水至趙壯口為西淀一聚東至天
津城外為東淀與大清河所納渤海之潮一合漳衛淇來
自太行之陰五汶來自岱山案之陰皆東北行數千里至天
津三岔河與渤海之潮再合為內堂第二重水右恒山為

蓋天旗左泰山為頓天鼓正朝霍山三岳鍾秀天造地設而黃河合淮以行於旗鼓之前朝案之後為中堂水大江合洞庭鄱陽以行於朝案之前錢塘江又在大江之前為外堂水江河去都城三四千里而皆上堂者以都後鎮山東壯行塞外繞出言林接高句驪南與臺灣交牙為都城左臂與右臂之隴蜀諸山相應胡故江湖之水涓滴皆上堂唯食故也都城居中原之東北於八方為艮艮成終成始故都城乃是上弦之月西實東虛以中原五千里地面為實先以東洋三千里水面為虛影山朝水繞天下歸心故其形勢有萬非長安洛陽所可比擬者艮數八旺氣應

之故勢之雄境之潤都之久未有能如之者也明人好為異說如深鑿膠萊新河以避海運成山之險深鑿天長六合之禹王河以洩淮漲二說皆至謬而近世嗜奇之士尚時以為言泰山之龍由旅順沙門各島涉海而起成山西行盡于曲阜嘗周泰山之東有所謂長城嶺者乃牽脊以至海濱為齊楚分界舊蹟北有小清河南有五汶皆西行四五百里會於齊河之大清河由利津入海以二水證之則泰山之脉起自海中無可疑者膠萊河成則泰山脉斷岱宗為天帝長子其能以人力勝之手排淮注江誤由斷錯必欲附會禹王河之土名以為禹蹟所經欲鑿石山二

十餘里開平地二百餘里北屬淮南達江以合排注之義
謂可洩淮漲免潰堰為災唯潘時良言其不可河事莫精
于潘氏凡以洩漲者為保堰全下河諸邑也而所開之石
山實楊通二府州龍脉所自來淺鑿則不能過水深鑿則
必斷地脉其為禍未見輕于決堰也且淮未入湖而先下
江則清口永無刷黃濟運之利又湖身騰空必有議開毛
城鋪以減黃者黃淮將并入江以形家言測之其為患殆
有不止於水潦者故附論以告寔事求是之後來君子焉